



蟬桐詩集卷第一章章四句

貴池劉誠伯著

風雅體己丑

靈鳥

靈鳥閔賢也

倬彼靈鳥匪以司晨有如服箱不以命慶豈惟不可抑亦不任

工擇大木喜棟之隆匠斲而小維木之窮木之窮令室安崇

亦有奔走亦有禦侮穆穆師保惟帝之輔而以執鼓誰其建

侯大啟爾宇

天之方蹶則匪其躬執及匪任亦罔有功袞衣躓棘莫歸我

公彼其之子狐裘蒙戎

妙三十八

糖箱

一

靈鳥四章二章章六句一章七句一章八句

鹿呦

鹿呦愍友也

鹿之呦兮行呼其儔豈必得食同黨遨游吁嗟兮不我偕游

鳳兮朋兮其文一兮有苞有翼宜其匹兮吁嗟兮不我卒匹

鹿呦二章章五句

魚潛

魚潛愍生也

魚潛于沼亦自言深有沸其釜以待我羹

鳥集于林亦自言安有矯其戈登我于盤

昔日之日曷不敢死有其在者今已焉矣

今日之日死于何處皇皇謀生誰與生女

魚潛四章章四句

狐之豐

狐之豐愍時也

非自 狐之豐兮則蒙茸兮匪家於野而入宮兮

梟之大兮母則禍兮既乳哺之而死以為賀兮

明明上天日兮月兮今曷往兮闕然沒兮

以風以雨以雪以霜芒芒禹迹不可以疆我安適為鄉

狐之豐四章三章章四句一章五句

冬日

冬日愍哉也

冬之日矣雨雪霏霏夏之日矣凱風亦希嗟此昊天乃覃疾

威

誰其干天厥罰不聞而我下民如炙如焚嗟此如焚於我下

民

妙二十八

二

民之暘矣斯飢渴矣我之暘矣疾痛憊矣室交聒矣

隰田圻矣平原赤矣匪無油雲而格其澤哀此中國亦既如

滌

冬日四章三章章六句一章五句

我邁

我邁刺俗也

我邁我友不識之子聽言則是辨貌則否庶見素冠兮俾我

信然兮

我邁我姻不識其親匪帶之垂審爾之音庶見素衣兮俾我

無疑兮

童子執爨伯也佩觿夫也珈服婦則驂驪孰云古是毋曰今

非自北自南自東自西

巷無服馬屋無釜鐔衣無燠繡飲無伏蹲豈其曰無夫人而

能自東自西自北自南

我邁四章二章章六句二章章八句

樂府

庚辰

古樂府指事摘辭其事往矣則情無由動情無由動則辭無由成後之自命優孟非優孟也余于崇禎丙丁戊己閒頗有雜感而分不得言則取古題傳以時事竊比于微而顯怨而不怒亦詩人之意云爾其文則古而其事與義則別余固不為擬古樂府者也

鏡歌

朱鷺

朱鷺翔以武聲鷺鷥羽輝輝不食茹不食魚食敵人顧飲于廟鷺不下將以問懦者

思悲翁

妙三十八

三

思悲翁翁何之失我碣石高盤螭戰聲合鼓聲死翁桓桓紛拏殺不已悲翁也狡兔在走狗烹發縱者誰獍鴮邪人貞魂毅魄安所征

艾如張

艾如張羅置旃于阿田鼠執田豕懼賓鴻哀雁我則那悲乎大哉聖王之守今若何我鹽諸利出車敵愾

上之回

上之回祠雍畢揚翠旗仗玉琰升高墉閱臨衝羣后擁百靈降尊瀘澗賚宮功昊天說人和同望玉門之外見青海若帶休屠祭天烏孫膜拜皇帝陛下三萬歲

巫山高

巫山高石巖巖谿水深流相環水日鬻山趾高陵崩以徙岸谷既移洪流斯瀾昔與爾綢繆今與爾仇讐山川之險使人

心憂欲渡無梁我涕洟雲土夢又待何時

上陵

上陵一何嗟峨干雲蔽日鳥不得過其陽橋山承龍之彝玉
衣金椀闕深殿陰即康居大食龜茲月支相繇連穹廬其趾
旃裘眈眈客從何方來云自上食回厓自上食回女見熊羆
為守松柏相膠金支翠旗有無風肅肅伏衣冠出游不

將進酒

將進酒舉伯雅為君壽祝何者君子醴以清小人醴以渾崱
穰穰賜大酺葡萄酒來大夏西池宴王母既醉備五福人咸無
苦

君馬黃

君馬黃臣紫騮君馬有缺臣懷憂駒駮駮相募求大自丞
相六卿御史大夫內自巷伯中車千金買駿百金買駑納之

妙三十八

四

天開日食粟與芻不徒食粟與芻單于獵邊塵黑內廐出名
王蹶天子垂衣蒲梢來西極

有所思

有所思乃在燕山之側易水之涯彼美人兮聖性惠辭絕世
獨立心求所知我欲投之結綠縣黎都梁鬱金雜承之有何
王木公老秃且當門講逐我不敢窺心相思夢與期夢中娛
樂未央起視明河蒼涼彼美人哉相望

雉子斑

雉子斑樂彼芳原稻梁粟堅堅雄飛雌從行啄不已自謂
泰山以安虞人一羅奈何涕泣羅中徒相教勿復過又有小
兒彈石膠竿避不得來萬端其母雲中下視雉子哀無窮原
田廡廡不可與久居

聖人出

聖人出化隆昌屈軼生禱枕亡般般來美紛哉日月之表帝
所治屢豐年蠲賦稅脫劔為鏃嬉而犁道不捨遺於皇哉單
于稽顙月支臣狗不吠萬國寧

上邪

上邪我與君相知髮始燥迨結褵父母所命國人知君有他
心見金夫而沈吟弃我中林明明者月照臨反側我不以三
物詛爾斯爾絕我乎則絕

石流

石流涼涼白雲翔翔幽谷蘭生自芳山上有莖不相見申椒
厯亂莫我蘭待時乎時乎揚其芬流沙日出氤氳皇帝澤洽
萬國禪云云禪亭亭

獨漉篇

獨漉獨漉渭清涇濁濁者湯湯清者枯陸莫高匪天莫明匪

妙三十八

五

月高有不聞明蝕而闕鴻雁哀鳴猛虎怒嗥人畏虎怒孰恤
鴻勞蚊吮血飽螳得羶肥笑彼鳳凰竹實胡為陰雲覆靈朔
風正急禦寒無具我憂孔疾人亦有言勿直如菘寇來矢禦
不直寇前

善哉行

來日大難朝饔夕飧益有斗粟我心則歡一解彼美之服必
綺與紈我求尺布大風欲寒二解夷以餓死跼膾人肝千秋
萬歲枉有愚賢三解伐鼓淵淵出車輝輝雖有旨酒爵不得
乾四解人世大若蒿里眈眈誰其遠游鶴駕鸞膠五解大食
噉名大躁隱山鬼冒倥佯弄日如丸六解

西門行

出西門步長歎百感紛相會憂來無端一解夫憂來胸春不
得寬欲語將相公卿高門方自尊二解歸蓬戶擁敝裘作書

言世務書奏或相謀三解人命苦易逝功名得久留不自策
高足視我一蟬蛸四解亦知達人如沮溺耦耕避世心所安
亦知達人如沮溺耦耕避世心所安五解南山田不治四體
亦當勤安得遺世事仙人藥一丸六解

東門行

出東門步何遲日暮望而更非僂中有崩緜照我面上有塵
緜一解作客長安久僮僕用相嗤不見驪騎薦士有何平津
脫粟糜二解脫粟糜先啖諸大長秋後飯執金吾兒洛陽年
少輕薄誰堪爾相對太息涕洟三解洛陽年少輕薄誰堪爾
相對太息涕洟出門欲何之東汎海西采薇四解

豔歌何嘗行

何嘗快獨極歡但當射策中籍金門一解丞相安昌侯師戴
崇為門生二解以此拜官顯融或入金馬侍從出牧守令尊

妙三十八

六

三解但當以中策拜官快獨美田廣宅使勢通奸四解貪亦
可為廉亦無庸冠蓋相望根株固盤五解男兒重賢才氣勢
安足為白衣為三公卿應憶武皇中有之匈奴數大入盜滿
南山陸上慙蒼浪之天下愧高爵厚賞朱纓華轂月請俸錢
不訾問為誰六解

苦寒行

驅馬燕山道霜重馬蹏裂黃雲蔽天來慘澹知將雪皮皴號
木風裘薄寒雞月草枯狐兔藏冰堅車軸折道逢流離人單
衣鴉百結云自三輔奔胡騎近宮闕笳吹肌骨消角奏聲悲
咽白檀易水閒凍血成蟻嶼游子在他鄉當寒易凜冽仰天
悲長歎春回何時節

秋胡行

堯用伯繇殛亦隨之負恩罔續法不可私鴻流泛溢赤縣崩

離一夫佚罰萬命塗泥知人惟艱任人惟危歌以永志我心
孔悲臯陶作士治刑與兵殄壬殲寇惟帝好生

猛虎行

飢不分盜跖膾寒不衷夏姬衣飢寒豈不急志士微尚非薄
俗多聾聵逐臭相因依祝鮀羣情樂冉雍物論譏斑斑白額
虎鬻人常苦肥嗜嗜九苞鳳棲梧常苦飢虎肥多弃肉足飽
狼與豨鳳飢無餘粒野雀別山飛眷彼披裘翁逃名得庶幾

君子行

君子貴其真色取未為仁言貧莫求富言高莫詘身擊奸莫
畏禍好名莫欺人魯連誠高蹈敝屣擲千金田光竟慷慨劍
頸無遂巡周公稱大聖恐懼對至親

鰕鮒篇

鰕鮒處沮洳自云江海寬蜩螂轉溷廁自命蘇合丸小夫蔽

妙三十八

七

所見安知天地閒讀書盡墳索結袂攬荃蘭俯視營營子行
屍良可歎左顧羅姬姜右顧積金錢挾持通奸利酒宴日盤
桓哀哉為誰收達者見其然

從軍行

今日從軍樂不問所從誰所從況貴要安坐快無危相公征
襄樊秉鉞受殊知金華前殿接未央左閣酈大官飭玉饌尚
食進金危文綺賜焜燿長劍投陸麗天章復雲漢王言更綺
絲襄以南仲烈寵以方叔辭衛以羽林卒右以長侍兒貂璫
盛為輔輜重溢相隨塵下皆饒飲歡欣擊鼓鞀椎牛飲美酒
踟躕或彈棋襄陽自古樂連臂躡銅蹠上兵自不戰戰亦不
差池上將自不敗敗亦何憂疑彤弓及盧矢又自天子來

對酒

對酒歌愁思雜感亂難治民生慙以悴牧長將帥不稱宜三

輔地 頓出入導引者中行貳師烏飽腐肉澤量僵屍徧
視陸海鉦鼓旌旗山頭遠望廷尉如嬉太守令宰掾史各行
其私以攫取厚貲安復問饑饉流離徵租使契急不得遲人
無圖治之策容頭過身日以俟後來謂天蓋高謂地卑冬雷
夏電元日食虧

東光

甘陵平潢池何不平潢池多腐肉不充飢渴腸丈人方秉鉞
河上兩相望

笠篔引

公無渡河河北賊多賊多猶可兵多奈何

當橋欲高行

高橋欲利待長風尊官欲利待彌縫愚忠朴直難容陰陽上
下令名顯融巍巍棟柱交關在中且夔徂伏丙魏終念欲排

妙三十八

閻闔獨征無與同

企喻歌

男兒欲作好結交必有人蚤蚤與駟虛相倚始成行
本是白鼻騮吳官不一顧著以錦障泥立買千金去
健兒得快馬行步有輝光罷士衣錦襖嘖嘖亦路旁
可憐無男兒惟有錢交賒男兒嗜錢蟲生死不得誇

折楊柳歌

三度入孟津漢兒顏色少惟有楊柳枝不改前年好
漢兒女太怯馬上不成歌將去臙脂山教兒貌如花
來自玉關道出自薊門口不見玉關榆但折薊門柳
馬上健胡兒控弦號十萬借問 若多漢兒實大半
下馬醉酥酪上馬折柳條行盡馮翊南不見漢嫖姚
來時塞草枯去時河柳綠 信有神駱馳力不足

幽州馬客歌

作客來京洛本自幽并兒沙場無死戰駉駉換蛾眉
百金買駿馬千金買娉婷匈奴已和好應泥錦衾春

北風行

北風涼陰雲翔幽燕年少弓馬強揚鞭調笑酒壚旁云自榆
關衛帝京問君騎何來何當歸莫使馮翊扶風白骨悲鳴
大鉦揚大旗封侯者及此時

前緩聲歌

籠中之雀必有海運之鯤大小相笑難與較論世人是非毀
譽以愛惡如蟲處禪當復思人閒之苦必有天上之歡空清
曠蕩下視殺人報怨無端勿短歎復長歎蒿里聚斂齊觀

武溪深行

浩浩武溪兮深復深白日照長黑青燐赤地生嗟哉武溪流

妙三十八

九

殺人

今樂府

余讀崆峒元美集樂府有即事命題者無論其文古其
事覈即不以言語文字諱先朝寬大之象可見也使二
公愿今日其依永長言足備采擇者何限哉暇日有感
聊復和之今之樂猶古之樂也夫

內教場歌

殷其雷白日恢恢匪雷則鳴講武內庭礮聲斯轟雖有虎臣
帝不敢自寧一解舞干擊劔挽弓揚旗遠人則不見不知礮
聲如此應莫不聞而悸至止厥聲斯已二解

叫天歌

彼何人斯昔介而馳殺人如疑今端冕而坐殺人如飴一解
彼何人斯昔我詈之曰賊彼殺我有克不克今跪拜之曰官

我不敢仰視彼殺我無不得二解我昔餽餉戎士往與渠搏
今直餽餉渠省我艱難雖省艱難我心則慙三解我今餽餉
渠渠憐而活我我忤猶可操刀如昨膾人肝如酪戰艦大作
弓矢鏃鏃黃日夜合天乎天乎謀國者那四解

招安歌

花關小票百十紙絲絲纏纏免死字宛宛轉轉到塞壘賊首
坐見笑冷齒有人附耳言如此上座回噴色作喜大言爾歸
報總理吾今賣劍買牛乞恩貸死願受冠裳居市城裏女急
歸言狀本兵應上功總理重賞女

賊逃歌

兵邪道遙賊使之逃賊邪困急兵使之走疾吁嗟乎乃使之
走疾一解兵逃遺馬驟賊逃遺金珠所遺云誰去議者死路
隅二解

妙三十八

十

愍災歌

彼月而火此月而火曾幾何時焚如乎亟播我有長技弗以
制一解而為民禍一解庀材夥矣鳩工哆矣可憐一炬失者
大矣失此不可又謀補弔死扶傷別卜冷我心孔憂告謀者
二解

轅下駒

李何皆有作意各不同余又與兩公異指

可憐轅下駒垂頭聲咽行文且文茵飽噉日復日不見長鳴
振鬣絕塵趨即如鄭當時跼踏良可嗤心直魏其不肯語勢
懾田蚡莫敢訾俯仰上下躡嚚依違又有首鼠韓安國愛惜
御史大夫舍不得吁嗟乎轅下駒兩不殊

後冬青引

冬青樹今何處精衛銜根海上來杜鵑嘯血枝頭訴誰謂嚴

霜零不凋枝枝葉葉隨風雨莫擬上林芳樹歌啾啾鬼哭燕
山阿

樂府變 乙酉

昔王弼州取嘉隆閒事作樂府變二十餘章即革命題
比于子美雖云依隱善託固不啻大書特書矣余往于
崇禎閒有所感歎皆借古題影略之讀者不覺也今年
乙酉五月中多不忍言者乃不能不斥言之以其人其
事稍被古聲辭取顯白亦不肯乖于田畷女紅之意閒
仍古題皆增字以別之而調亦加變嗟乎今日無不變
也聲音之道又其先矣

君馬黃篇

君馬黃臣馬騅二馬首路即參差天閑未具中夜發各自東
西南北馳美人扶薄醉駕車馳馬至棘門次美人心怡坐軍

妙三十八

土

戲佳人辭長信駕車馳馬丞相奉朝佳人心傷瑤水駿

將進酒篇

將進酒奉上尊糟如邱肉為林健兒舞水嬉陳樓船擁曲吹
橫飛廉左輔費仲前丞將軍上公寵命齊申讀策未半倏忽
雲屯葡萄正美天日昏

害馬歌

房星無光兮葡萄種絕玉輅金根兮害馬承之齒若鋸兮似
駁破面的盧兮號齧受君寵兮獨渥衣文繡兮處華屋席露
牀兮啖棗脯苦肥兮不顧首着奉法駕兮憤轅車折軸兮端
冕者顛失轡在淖兮罔與掀害馬何在兮絕景奔

後團扇郎

白團扇是郎書寫徧貴臣時宰持障面
白團扇郎喜持障面木難火齊署門收丞相閣中日夜宴

白團扇郎勿持障面前星煌煌照四方忍作回頭不相見
白團扇郎須持障面病已無恙入明光老拳毒手千人見
白團扇郎不持障面短衣胡服從左賢揚揚復受谷蠹眷
白團扇常障面前有褚淵後王郎將一家物與一家芳姿憔悴羞相見

龍為豬

誰何老公自名為龍張身露爪吮血生風羽林仗飛射聲戎
已天子命爾亦孔爾恃爾則有二心而外比來至止爾以
為市皤腹弃甲都人孔哀爾則喜食君之子跪上絃璽爾則
首庸笑冷齒錫爾上公寵耶恥昔應龍今塗豕性貪卑汗
逐溺矢豬乎豬乎屠伯睨爾意未已

當善哉行

有美將軍以自名堂堂行行視屋寫金一解天子命爾于

妙三十八

三

湖之濱帳有緇虎衣有麒麟二解角吹水立旂拂雲生誰云
兒戲霸上棘門三解皇與既狩日照黃營鞭無七寶追騎來
奔四解善哉將軍勿念舊恩乃任田父贄以至尊五解執贄
獻琛山赭日昏六解貺爾之勛六解

當猛虎篇

猛虎在山蒺藜生猛虎在山入不行虎來平陸鼠與之爭嗜
爾猛虎不使當關使守宮庭誰其併爾狐狸與姻啣爾虎生
世不諧遭李將軍石亦飲羽虎安所施能嗟哉虎性誰能馴
虎甘一死報吾君虎若在山君亦存

後瓊花引

此泉羽舊題即用其體或曰與前者並列何曰美
惡直書其意自見且不有大美不知大惡之可恨
也夫猛虎篇變而之正者也故以瓊花引終焉

揚州城門鐵不如揚州城高與天俱
盤極欲折坤挺動亭亭
瓊花屹自扶雷塘蜀岡何所聚
羣相語女牆車碾
擲成雷猶使穹廬哭如兩明月欲蝕影朦朧
栽花力盡花隨
風騎箕為報種子去誰其死者燕山公

瓊花引

玉鈎草長隋隄沒天上一花時欲發
種花仙人力苦辛排風
挹露心如髮騎螭喝虎護根芽二十四橋
日夜帀王孫沈醉
花底月踟歌連袂歡不歇那知種花
憔悴人此花一折不再
活世閒薺菜誤人多自名
瑤草舞娑娑處君玉堂阿閣上笑
看瓊花爾若何

琴操 庚辰

倚柱操

李何皆有此李直作漆室女操余嫌其自表也題從

妙三十八

三

何亦和李爾

棟欲折兮榱欲崩顧無人兮倚柱
傍徨孰謂余兮童之狂今
謀夫兮如此吾是以號咷則爾已而已而忍
埃其及已

慧蛾操

長喙之啄兮前後繼以摘兮爾翼幾何堪
一翫兮雖不及色
舉兮急爾走兮得處所兮

謠

不知誰所作也省其句比而成音

乙酉春童謠

一匹馬走天下騎馬者誰大耳兒

又童謠

劉郎逐阮郎獨王子喬騎白鹿墮入獄
去年五月多生口今年五月多生足

市人謠

三家姪女工數錢欲得尊官與之連有一老公鬢鬚須化爲

號烏尾畢通尾畢通舊注處高獨食專利耳近華亭唐士雅兼取其說解云畢皆通也言烏皆無尾喻無後嗣也余

其說

又市人謠

莫道義付趙二二郎作相公謠

蘆人謠 丁亥

果然洲如月蘆花久已沒也有量洲弓空量月圓闕

不量舊洲崩只量新洲長不向希蘆行但踟密蘆丈

亦不問洲生亦不踟蘆密所詰主進吏云何不中率

大吏量小吏大胥量小胥小胥量萬戶量金不量蘆

後蘆人謠 戊子

與爾期乎蘆之芽怒以為賒霆擊電發欲碎人家

妙三十八

西

與爾期乎蘆有葭不問其他桃僵李代鯨脫置鰕

蘆中人亦何苦不怨蘆如花不怨官如虎但怨大江中無故

洲如許

蘆花瑟瑟雪花白白雪花寒有時蘆花虐不歇何嘗見蘆花

枉殺雪中客

四言

倚園 壬戌

有園負郭未遠人間先人避世以當深山周回數笏容納煙

嵐風雨時至窗過屋穿餘地一雙萬竹檀欒以待鳳宿惡者

亦刪其裏梧貳峙而參天置軒纒錯不貴矜巖草辭葦菜花

謝嬋娟桂香而靜梅瘦以寒非此族類概從其芟維約維樸

我園實然約則神藏樸則意堅

勵志詩 壬午

勵志迪志先民有之兼用訓世不以專己也余四十無聞責躬而已

大火玄冰倏忽春升朱華芳樹昨悴今榮化以密移學以時兢容色雖傲精志可勝

驥服鹽車乃知勞苦鴻淹藪澤始防弋罟多憂交心妙道斯親迤邐四十就將可鼓

單思柔翰風雅焉如抗懷大道曾閱遵途誕登何日落殖是虞強立勿返盡此微軀

琴師至海官冥移情妙射視雖大如車輪專精去故積久疑神黽勉純一道來親人

禹橈伊犁墨突孔席學為物資功為世益獫狁憑陵蝨賊狼藉我心孔悲何以奮策

載怒載笑或忌或疑石以攻玉仇亦吾師秉茲宏毅安步莊

妙三十八

圭

遠不救不懼不磷不溜

亦有良朋掖我以陟我用自責隸也不力為山增高學水勿息精華未竭德功是立

先民有作諄誨彼此我何人斯自勛則已親生君成時危年駸不克究圖非人所齒

題吳山賓非畫扇

松翠可滴山黛如零寒水滅沒遙見長汀欲問津去無舟與筇延頸四望空闊實冥

竹本從綠朱墨則那請循其質不敢改柯雖數尺爾干霄匪他有易面目愧此如何

嶧桐詩集卷第一

燁桐詩集卷第二

二妙集三十九

貴池劉城伯宗著

五言古

曉發清溪

疏星沈遠水殘月暗平沙迢遙辨天際
林樹浸深窞我非王程促亦非玩物華
丈夫自有志不樂守田家宿雨幸已過
黽勉學浮槎

感事二首

風起東隅疆場遂以蹙海浸陸沈纓紳號
鹿巫山劔閣閒積尚高陵谷古人避甲兵
浣花溪有屋若使在今時西川當裹足
黔滇小郡國又復穴中觸豈其在天杪
鞭長不及腹如何齊魯人亂逆紛相逐
蓮花捧世尊斗米傳道覆殺氣四方來
平原難極目爰止計安之願天治平速

妙三九

魏

何以耀邑里高軒冠惠文何以專快樂
華堂鐘鼓闐挾瑟趙女麗禿袖監奴紛
術持郡吏短勢請城南田睚眦多所發
賓容日益尊天地苟如此吾窮豈足論

臨川三子詩

陳大士際泰

臨川有三君樂推陳仲舉制義鼎章羅
大士奔先軌英姿御羣書馳騁千古走
敏妙在慮前文成不移晷才富無恡費
體備無不有黃帝臨洞庭鈞天百靈奏
韶濩亦凡音極盛難為後

章大力世純

中原網緼後是生大力身精微以為產
舉體液與神觀理選老易繫表撮玄真
為文準春秋撰句肅以堅鬼神星律學
小數若家珍

羅文止 萬藻

文止百代士大雅扶斯文靜音流動秀含風包氣成寂寞扣
音出理舉聲無聞溫柔敦厚義無乃似夫君東鄉艾子才品
隲古今紛于君獨翕然惟其近天真能令儒者服漢京誰復
論

贈沈眉生 壽民

眉生沖默人淵鏡一以靜四座韻飄馳畏此神清整當其冥
理游傍若無為影後顧惠建隨前旌伯也秉大雅稟先民體
約風道冷美稗翦既多絕豔亦從省三歎有遺音微文于茲
炳

詠史

燧人自天出四佐首明繇宓犧繼御世六弼殿陽侯軒轅暨
姚姒官牧甚綢繆洪鈞無獨運淳理匪單謀歎息三王後主

妙二十九

二

賢臣莫猶甘傳不可作殷高思徒悠旦望不並世周武獨懷
憂

武安既侈汰至受淮南金平津號廉潔外寬內則深區區慶
蔡輩碌碌非鼎任諸君共首尾斗杓誰酌斟漢皇本雄姿崇
儒表六經志刷白登恥力填瓠子沈惜哉棟橈弱治謝周宣
成當時豈無士秉均心不平仲舒與汲黯擠之勿在廷

自古有薄伐聖世無和親誰為恥辱辱齊虜輓輅人煌煌神
后崩遙遙穹廬償強吏樂輸宴壯士翻逡巡一朝鳴鏑至殺
略難具陳不見北平守虜避飛將軍不見雁門偶騎射莫中
身

思黯日尋戈贊皇亦鬪力柳州既斥遷立都或還陟因執易
成炊反風即垂翼當時多逆藩願謨不在賊已見中車橫寶
之氣醜得遂初何蕩平晚季滋偏側

犀首旣庸秦張儀亦媢楚抵掌氣爲雲伏尸血成渚當時豔
丈夫子與鄙妾婦投情輒美工奮勢妖冶舉陳樓范蔡徒沿
襲一風軌惟有魯仲連事成無所取

朱家脫季布乃在困阨時及其既尊貴終身不見之條侯得
劇孟隱若敵國資生有千乘客死無十金詒翁伯稍陰賊廉
讓亦自持義多眾益附家貧不中賞古來氣誼士清潔良可
師剛愆不一本暴俠勿相疑鄙哉曹邱生招權盛賂遺

武皇表經術射策得高第孟堅志儒林生徒官爵系巍巍公
孤尊纍纍守相計講授餘百年寵利由六藝所以安昌侯焜
耀成哀際所以義和師赫鑠新莽世

陸機世仕吳入洛誇英藻靈運官元興佐宋新朝造賦文追
琢工肆情游覽好鞅韜成都軍纓綏臨川道二孟各有辭一
死同秋草鶴唳不可聞風菌誰能保何如晉徵君乞食東籬

妙三十九

三

老

我愛朱仲卿久吏無餘財魂魄戀桐鄉知其民我哀我愛何
君公居無赫赫能去後乃見思治有彊幹才王成僞增加顯
爲俗吏魁次公多善狀悉數不容枚至其議神爵京兆舍中
來獄空及讓畔使我心懷猜

孤雲淡太清幽籟說空谷雲無雷雨功籟謝笙簧馥慨彼潛
潔姿猶使塵囂肅遼東浮家風峴南采藥躅唐山卑訟田桐
江高置足邈矣彼何人悠然我心曲

聶政事慈親猶卻黃金壽專諸交公子未聞華色媻養勇以
清剛全神戒馳驟云何衛慶卿留燕府塵垢太牢異物多美
女車騎富田光頸血乾易水寒風吼惜此匕首堪裏絕秦王
走

西施天下姣皮褐勿爲衣毛嫱人所羨魚鳥見之違黃公有

二女修姱世所希讓辭自醜惡終身無于歸曼容毋用恃至
鑿不可幾登徒所好內蓬頭學耳譏明君盛顏色遠嫁胡王
妃

鴻鵠翔寥廓一目不可羅珊瑚沈溟渤單綆豈能拖漢京得
人盛取士有諸科力田並孝秀對策及荷戈郡國既推舉材
杰亦自誇上書晚見歎讀賦同時嗟白衣拜公相人才良足
多

棄繻速成功牧豕乃晚達洛陽雖早貴利鈍相膠轕翁子及
臨菑中年自奮越前既困貧窮後亦遭誅割文采同照耀聲
名皆軒豁遭時不可齊運命誰能脫

結交不可信泝水怨常流杯酒不可使潁川致足憂黃金不
可就茂陵草樹秋著書不可期太玄至今幽汎覽千載上誰
何足我求有鳥鳴喈喈揚輝無久留有獸何般般時出不常

妙三十九

四

游

少小頗儻慕觀書得大意心輕鄉里兒指掌功名事蹉跎一
折節寧以文為戲賦去長卿靡學嗔子雲字欽永不明經管
樂豈上治懷抱三謨篇竊比九官義

倚園愁臥

金風起庭樹展卷吹衣薄出門苦周旋攬衾宜索寞非云高
枕安聊用憂心廓沙弓正強劇盜羣相攫我勞思如何同
譬不可作枯杪集鳴禽嚴譙散寒柝

白下贈夏彝仲 允彝

卓犖夏彝仲嶽嶽異世趨有骨見衣表而非山澤癯個儻王
霸略攀提管樂徒清歌豔舞除每見英分舒好讀春秋傳力
申討與誅詩成比開寶傳及雞林隅相逢一長嘯楊柳正藏
鳥

過采石

青山亘幾里平楚蔚然深
剝紛詭異江流自古今
誰被夜郎客千載此高岑
爰有書生虞破虜一長
鐔斯人不可作吾亦倦
登臨

黃母姚淑人詩

淑人黃宗羲之母天啟中
忤逆璫逮死白安先生尊
素配也于其初度為之作詩

天地昔晝晦白日少輝光
狂猘披乳虎齧齒向貞良
浙海有男子赤手搏其吭
揮戈欲返日日沒慘不
陽力絕騎箕去遺孽隱微
茫微茫蔽浮雲凜冽泣嚴
霜將雛坐荆棘仰首看機
槍善人帝所隲彼哉國法
僵季女飢弗死婉孌表幽
芳艱貞有此日象服賁煌
煌德配今茲見介福誼所
彰我壽未亡人長此真不
亡

妙三十九

五

和楊龜山此日不再得

余行年壯矣去日非少而
道不加修因和龜山此詩
以自警歎昔邢祭酒讓嘗
以此試陳白沙詩成驚曰
龜山不如也明日颺言于
朝以為真儒復出景想先
哲良深慨然

曉起聽鳴鶉春日媚柔桑
俛仰咄嗟閒白露蒹葭蒼
義和苦促節軀命逐流光
至人通晝夜大道亘陰陽
下學先敬志所立不易方
吉凶從惠逆損益介微茫
琢磨猶未若伎求焉得臧
抗志謝塵累毋為斧斤戕
窮神越澹泊上治猶糝糠
乘時既雲雨洗心即退藏
此意學易後如蘭幽谷芳
無言有怡悅不拔在堅剛
負重適遠道策足勿矜程
日省曾氏學養氣孟所長
消搖徒玩愒先聖豈蒙莊
我愧聞道遲少小溺辭章
逐隊學千祿揆藻事名場
近始欲棄去幽栖但求羊
盤礴雖云

樂性命安可忘當食或發憤筮乾願自強修行樹準表濟險
作舟航百年神尚畏兩曜景同常奄奄曹李輩在世已云亡
登山觀大海涓埃誠足傷不為古之矜何況今之狂

乙亥雜詩

塗山疇昔會萬國來攸同王氣蘊隆極雲飛起大風定鼎既
鍾阜漉卜欲還豐擬茲開闔閭舉門勢以雄羽林射聲卒鱗
櫛盛軍容坐看羣盜入無入一國中煙高闐閭沒馬怒粟芻
空故都臺笠士狼藉僵成叢長官頗貴重併命等飄蓬我思
潁川趙申懷渤海冀盜賊不得發弃弩歸為農

中都自天作文考則康之真人戎衣始祭畢乃興師玄宮百
靈侍杯土有神司日精月華力草木盡虯姿何乃逸狂狹跳
擲病難持跋窺園林外攀緣松檜枝鬱蔥佳氣盛小燹立炊
靡遺弓化長劔空中怒欲搗角崩逃死去翠微色尚奇嗟哉

妙三十九

六

猛士守能罷與共為

奄尹職掃除園陵故宜女晨夕護松楸春秋潔籩俎云何奸
吏民漁獵及禾黍帳前親虞侯能令乃公怒入為中車雜出
作南山虎暈外賊在內木蟲蟲斯腐黃巾今蔽天白挺昨如
雨瞻思寢廟游痛恨寺人柳

水至可巢居賊至無營窟一日數驚來果然飛上屋巍巍諸
侯堂羣奴公託宿官廨馬矢高邑屋煙灰足下令括隸牝草
駒如湊輻再令索餼珠少量以斛但呼好女共花容幾行
簇座首色小怡行觴徐度曲飽厭欲弃餘殺質乃他逐巢焚
鳥亦號巢覆卵遭醮鳩居不多時鵲還無骨肉

昔吟孔雀辭廬江小吏苦今唱廬江行千家哭如雨堂上封
使君生性頗為虎估客少樂歌田隰欣萋楚視蔭復幾時何
暇謀桑土羣盜久如麻所過無人家薄城城立碎頃刻不得

賒賊有善化術俛仰得變差焦土昔廣廈骨肉今泥沙烏吮
無屋啄城開但落花偉哉一御史失官在田里氣激逐鷹鷄
伏節誓犬豕纓結廳事前歎息此人死

人欲得官爵執政同鄉里人欲美聲名丞相舊知己事乃有
不然福兮禍所倚轅門牙薰高霜臺鷄鳴賊過殺傷多法
重誅夷比謹謝故人情相緣入西市

我聞鄧將軍矯矯事戎行又聞張閫帥奕奕威名嘗建節蒙
金紫秉鉞及樊襄一朝帳下兒殺之如割羊親為外宅男迴
戈反自戕賤為厮養卒剗刃貴人僵弘正苟無故廷湊敢披
猖

昭明廟

朱甕圍敗垣高齋猶自敞伏臘人所矜幽魂有玄賞溪清魚
正肥山秀色相萃攜我七代書心目相游想濠濮未道逸華

妙三九

七

林猶優擾夜梵時有無冥靈或拊掌

葺小園

城東有廢畦厥土惟塗泥甌脫人所棄結茅我則宜增卑成
小阜翦萊得方池枇杷梅李桃李春至亦離離對林深竹氣清
勁我心怡數笏此容膝長吟足樂飢梓澤不可得微生寄一
枝

觀刈稻

田家天易白早作習能安越陌叫儔侶頭足露溥溥腰鎌即
所事既刈復行攤肥田禾本壯游刃有餘寬瘠土或旱澇莠
盛良苗殘持刀顧躊躇攬之不成搏戚施終日夕掄鋏已盤
餐餘秸為我爨朝糞不待乾一年事如此呼取雞豚款

觀刈稻了述田父言

今日山出雲早晚天欲雨收穫值雨絲爛浥歸泥土吾苗熟

不齊糞薄早復苦數畦未堅粟外青內且窳情知早刈非農
事今已親前村膏沃田連年皆宿莽況此汗萊中穉穗直可
數鄰翁助斂割吾欲滌場圃收責人已來謹視門前牯

烹茶

啜茶亦妙理端居方可挹經品非不多往說難具悉解事近
誰能但爭茗粥喫始吾淪松蘿濃香罕所及其次則北源素
甕亦屢吸虎邱名太高洞庭味大別老僧自矜貴吳興多偽
襲九華閔園地所生殊不給得之亦艱辛寧與眾辨別靈艸
產有期適忽茁做邑高田半嶺閒土氣清且翕石壁側出多
雨前生摘急翦自新安人焙製兼新意芳勁不可云清風真
習習自我嗜諸品聚瓶凡數十標記分種倫取用有等級鑑
火每躬親注泉無宿汲遣盡昏渴神飽受旗槍福往笑子瞻
妻誤入薑鹽汁今苦應酬繁童奴雜駢澀建德與六安狼藉

妙三十九

八

共掇拾有友豫章來惠茗佐雅集雲霧出西山烹嘗勿令涇

讀周仲馭鐘遜國忠紀

王魏事不類管召意別存廢興自古有成敗從今論文皇本
寬大食祿盡心言陳瑛斗筭人刻深多煩冤泯焚三百載我
友起平反白日照奮筆青燐招毅魂不有周昌直徒知平勃

尊

觀朝雨

庭前動曉色旭氣散平林欵忽集飛雨朝曦蔽薄陰露桃沾
重溼宿莽得新澆遠村晨煙鬱近壁候蟲吟登樓一延眺風
吹正蕭森栖鳥出復返征人還擁衾我本忼慨士浩歌復鼓
琴

讀萬茂先時華園居詩卻寄

美人家南州名字重西山至德冠英彥懷抱鬱琅玕三府競

辟薦冥翰正盤桓卜築傍湖濱幽勝非人閒疏峰抗高館林
吹響彌漫清流資灌溉朱華散澄灣援植見意匠暇整在襟
襜我攬園居什清風滿古歡

伊余負狂簡嚶嚶慕民英夢寐南浦際有客漢之陰結茅日
抱甕薜荔羅戶庭匪故耽泉石聊用齊心靈濟物道所貴幽
人不可貞

贈別陳士業

弘緒

今之陳義府領袖願與廚風格既標峻淹洽古醇儒豈不疑
道廣淵鑿包眾殊徜徉涉江上目觀意有餘大匠過林麓柏
梁無朽株持此出應詔明堂相助扶嗟我聶季寶敢承將伯
呼管樂時已及何況致唐虞征車馳風發相送此微軀

寒食出西郊取徑昭明廟歷乾明寺歸

今年春色早信步得芳菲尋幽意所便時與侶伴違青蒼在

妙三十九

九

山曲鐘磬相因依螭碑趺燕麥蚪篆蝕苔衣懷古意不盡遂
景暝光微返叩法王象豁我塵情非

秦淮社集分得六魚

夙昔秉遐尚曳耒為菑奮抗志繇夷跡恭披姚姒書閉門幾
歲月出門求助余爰有楚狂人三五在淮渠豫章千霄才棣
棣不可除秦隴古奧府有士足權輿龍眠亘江上所產盡瓊
瑤生也值同時舍此復焉如團場奏妙伎雕盤鱸鯉魚玉椀
傾琥珀舉手快無餘生平笑結交身命何粗疏酒罷願申語
慷慨勿躊躇鯨鯢動遼海豺虎徧郊閭昨歲甘泉急十年揚
豫墟新亭正此地臨風可歎歔僂力期茲後德鄰矢今初

讀龔當時

典學

夏登木末亭拜方正學祠述懷詩感有

此作

我讀遜志詩時論遜國事一死自君臣斯人無異議當時歸

附徒後或著勞勤喂豕至清夜能亡媿且忌覩顏紀善傳此
筆革除志龔生南州彥梅尉風烈擊陳辭見胸懷草木臭味
譬近觀十年中滄桑亦幾易王聖義兒多節甫佐命置

來搏頰赤眉至大雅欣明哲非此悖與悖正學講貫稀
人倫浸以墜木末吟好詩炎蒸變涼吹吾生豈鴻毛仰視白
日駛

古意與徐九一 并

東海有奇樹鬱鬱干霄姿下蟠萬仞根上垂千尺枝芳香郁
廣野文采光陸離卿雲繞繚之惡鳥不敢栖經年宿鸞鶯鶯
鶯治世儀有時出雷雨一雨四方滋
天清氣寥廓好雲東南征飄風忽颿起雲散不成行雲散有
時聚風起誠無名大人幹元氣至德和神明呼吸見調燮箕
畢息羣爭乾坤方浩蕩油雲覆眾生

妙三十九

簡書

十

我弱不好弄少長亦落拓米鹽數未知嗜欲情尤薄惟有誦
讀懷結此邱墳樂六籍既勤求史志皆廣著諸子醇駁言家
集古今作見即不忍舍聞必轉相託或輟衣食資或取簪珥
鑿市賈直勿爭借觀義不攫秘本未流傳倩鈔尤謹恪誓將
心力專用致收藏博破產為營書茲事頗不惡整束訖裝潢
部分乃度閣豈徒多縹緗要在能考索願為老蠹魚盡食其
糟粕披尋勞手腕咀茹煩齒齟對校似相讐刊謫如掃蕩進
以尚友心大之經世略觀理豈章句得意在寥廓今始一簣
功且從四庫約勿務宋板名價高易垂彙勿矜元刻好紀年
多改削寧使殘闕存毋受偽妄矇目前盡搜羅域外待充擴
吟諷必恭虔展曝慎管鑰顏訓戒損傷趙跋豁拘縛西山雖
未窺墨莊吾自度煙雲知幾時聊用申歡詭

寓赤石磯吳園喜倪右臣天弼過話

微風散殘暑涼月照秋容積水芙蓉滿香光入座重幽人意
欣憚之子況與同令德足傳匹奇服表西東振衣共飛閣平
楚騎無窮

喜范計部仲闇文光論詩率爾有贈

我聞詩言志其意亦云持從王臣子分閔俗聖賢思休文彼
戎人屈節望臺司名簡既已債意趣亦何卑瑣瑣辨聲病鳩
舌良可嗤煌赫我太祖達識洞軒義哀此中音乖痛彼大義
虧考文同律度正韻黜淫奇吹萬地天籟畫一古今宜禮非
夏殷往道存小大師俗儒鄙且倍昭代法安施又觀古樂府
即事乃有辭大風及垓下相易不能為孤兒廬江婦強哭豈
成悲後生千載下境易情已移如何杜陵叟命題皆自諳石
壕潼關吏新昏無家兒悼傷絲耳目諷歎出心脾風謠備采

妙三十九

十一

擇得失昭來茲藝苑競修古倡論此者誰蜀人范孟博風烈
漢之遺尊主憲章切哀時美刺馳懷抱秉中正離憂感瑕疵
作詩聊自見著論故如斯

北征蚤發

寒雞號斷續麗譙聲有無志士不成寐披衣行起呼金風入
塞草鴻雁滿中區斗杓誰共執肅殺令猶連長安浮雲蔽迢
遞路何紆

舟行書所見

彩鷁自何方連橋半江黑鼓吹沸波濤兩岸人爭識銀蒜靜
簾垂黃頭擁仗植彼中者誰子坐此徒塞默賈客挈瓶囊漁
父守罾罟相視復何殊洪流送爾亟

連日讀陳士業詩

陳生仁且智樂水甚于山石莊好詩句出沒半潺湲停橈諮

俗尚推蓬感時艱有言皆發緯起興在澄灣杜陵非詩人自許愚更殷

到白門答萬茂先坐月賦贈

中天秋月照夜半凜寒光俯視四海內人自摧肝腸咨嗟意不一欲語意徬徨仕宦出關塞征戍在遼陽思婦坐機杼游子臥他鄉他鄉各異縣獨處同淒涼行行不得息歲月遂難量昔入深閨夢愛此惡參商今為羈客身注目徒自傷君本乘槎客駕言自豫章握手與我約燕游歌虞唐君行已匝月我乃後嚴裝尾舟趨白下促君上巖廊典謁辭負茲引我坐君牀呼朋得幾人問月修離觴長松蘊茯苓為君充餼糧

酬萬茂先送與具兼問疾瘳

駑駘不可策北望路轉遙故人念我厚脂車來見招勸我筇將往庶幾耐迅飆解贈黃牛革彷彿飭金鑣渡江買白螺長

妙三十九

三

駕無蕩搖念子體小極霍然須飲瓢賈生泣病非陶令畏折腰身世竟奚似爽氣增蕭條同為白門客行止異詰朝

答周農父

岐

南人初北去顧慮身紛紛時危寧足計行旅匪所云見事或遲悔孤潔失同羣儒林好誇詡藝苑侈聲聞吾行竟安在況乃邇妖氛語默須獨斷所貴餘清芬豈必揖卿相矯矯號聘君誦子令德唱再三道殷勤不煩治尊酒驪首占捎雲

山東贈張鍾陽

秉文方伯

張公江海客託德桐山陽體大羣族庇德至眾善翔振翮歷章江江流澄以長御風集齊海海波靜不揚保釐績已茂南雅上帝鄉帝鄉筓吹急歷下或能當

皇輿宜駿足和璞待匠斤鮑子既管舉太叔亦僑升晏嬰與石父知己重于恩大臣志為國造謝卻私門鄙生執諒節固

謾勿呈身古處無儕俗報知矢修名

與吳駿公傳業

吳子奮鴻藻文筆風雨驟弱冠當明主名唱卿雲奏拜官奎
壁聞史歲恣討究青宮今豫建東華方敞畫抗法遂授經師
傳厥功茂爰有共驪徒首竊斗杓舊傳衣復上相倡議乖且
陋慷慨折其奸諫草人皆購屈軼生禁庭貞亮翼我后魏公
永叔文鄭公子京句祝子二美兼古今庶希觀

凌龍翰陳景昭丹衷見過

木葉脫已盡寒風吹不休帝城稠刁斗胸春使我憂陳生茹
素士排調古無傳念我沒塵土執手時同謀新都有畸人容
姱夙所讐謠詠使之困游處聲相求不為媒進計寒谷亦難
留聖代神駿滿金臺成荒邱矯首望睥睨鼓吹雜鳩鶴執爨
爛錦襖書生擁敗裘

妙三九

三

贈孫魯山晉

桐山有君子昌啟聞見之烈烈少保公爰為取正師氣折節
甫逆志規喬固隨應山與高邑峙立植坤維我公起同里蘭
臭蚤相知黃門侍從日世道已清夷袞衣故無闕鼎鉉頗多
疵中車乘以起苞檠穴為窺不有正人倫楨幹亦離披嶽嶽
無由學侃侃有抗辭陽城每痛哭呂誨獨先知明君豈不盤
薄罰解羣疑勿遣長沙遠宣室易與期直臣逢聖主此恩帝
所私歎息鄉先哲際會不同時

贈申公素園佳翁

邠水何鬱盤漳水開明鏡高者蘊神理清者濯情性黃流美
在中英分與雄并典劇得清通澹泊見至性宋相賦梅花風
流即嚴勁千年此後先兩賢名德競遭時或有難于斯獨為
盛

與胡吉雲 守恆

日已遠城柝日已疏春風仍駘蕩玉堂靜可娛四壁積
書氣中坐達人殊顧盼姿瓌璋吐納意聞都京國盛冠蓋秋
浦但菰蘆相對亦何晚明日即長途

己卯春暮與孫松石坐語以同道為朋為韻

暮春青草長 去若騰空憶昨入塞始搖落盛秋風殺傷經
歲月彌望千里同王恢不可作何況衛霍功魏絳矜達識云
胡不和戎

蒼菜得露榮何必申椒好雖嗜已絕音鳥鵲亦自噪望古苦
大遙即事奚容悼發憤此詼辭狂歌勿絕倒先賢有格言正
誼與明道

汲黯時臥病侃侃大義持平津貴丞相突梯滑如脂所以淮
南謀此憚彼如嬉升座講鼎足既折笑胡為致此 橫漏

如二十九

古

師不可治

傾否亦征粟濟寒必來朋解難須射隼致戎以負乘我思皋
作士兵刑裁一繩秦漢逐便利 賊乃憑陵百爾君子敬履
霜戒堅冰

次韻奉酬盧德水見送南還與魯山共載詩

盧公稟令姿齊右審先唱食必窮馬肝經不令覆醬詠懷好
纏絲體物真劉亮胥鈔終日勤杜亭千古創八哀愛幽憂七
歌黜狂宕此意知者稀斲輪乃巧匠憐余孱旅人鼓舞使之
壯告語諸纓綏問學宜推讓數日輒相過百壺命酒量事有
不如意銜杯始得暢余與孫子歸青錢亦拄杖同趨鍾阜雲
回瞬西山嶂秦岱想朝端玄詮譯河上自顧郊島儔應慙館
閣樣

和孫魯山出都門道中

君子此行役驅車敢嘯歌葵心終戀日竹筠不改柯憶昨田
南山鋤莠植嘉禾籌兵廓青海砥俗挽天河言者徒有罪此
志遂蹉跎卓囊半道擲黃閣快誰何日行長楚內回首蒼蔚
多願言京國友敬正倬無訛我痛未足惜白鷗浩蕩波

德州道中大風

月生昨夜暈風力知不微疾怒應有故君子敬其威魯門爰
居祀宋都鷁退飛寡陋臣之恥災沴經所譏邊關誰猛士胡
馬秋正肥

嶧縣早發

露重林葉黑風清籃輿輕連山月虧蔽荒戍路縱橫誰家卿
相冢已為禾黍平翁仲獨屹立睨人道上行

盧德水奉命巡漕再次原韻寄之

舉世共一聲千人和一唱任鼎未調梅安居誰饋醬如何當

妙三十九

五

治平願生瑜與亮治戎民勿驚懲貪法宜創毋使長秋橫莫
學清言宕以此棟隆吉柏梁稱大匠仰首盧德州才全心力
壯伉直能爭持實恭非退讓衡鑑喻空明山藪比器量古今
得失林歷覽倍曉暢受命特巡方疲癯定扶杖恩波巾地流
高節危天障我自磊塊人絕志金臺上勉旃無他談禮部有
新樣

送王元倬

北先是元倬招集余以
出步南郊不及赴

晴冬理游屐驅我不獨飢雖有故人酒貪看山翠微念子當
明發車馬正駢駢泥友復長語將無僮僕譏以時急徵管王
郎世所依上策戒痛哭夙願薄輕肥行矣臨軒對聖主待垂
衣

題嚴巢縣殉難紀

積風扇瀾倒節義若卿雲死事昔云易在今罕所聞鳴鏑從

冒頓藏綏避孫恩祖宗教養澤食報眇秋蟲嚴公領居巢守
官節自敦風塵蔽天地巢湖涸且渾膝前不忍去遷秩豈無
名寧持干椒死毋為巾幗生刑于所興起婦孺無逖巡象服
殉貞魄練色薄高震汪躋一童子刳肩衛所親義鷗激人肝
何況忠義門銅馬故日益茲事良足存毅魂無不足有子尚
與員

讀漢書

春日意清謁戶牖亦昭融澄心宜几席遣慮在書叢龍門固
奇宕扶風實整弘密裁有醇氣巡攬使神充下視睦與壽織
瑣若兒童

浩翁愛孟堅客至邀共讀舌本不可無情氣由茲淑譏遷則
狂管人表亦錯錄要為百代書心目宜時畜腐史既絕塵賴
此猶彬郁

妙三十九

六

朱蔚園

統銜

大行坐我小樓閣所藏書感賦

班史志藝文大要沿七略子駿讀父書棄精茹糟粕宛彼精
忠心較讐必斟酌乃祖況辟疆典墳自娛樂潔清少欲人披
誦乃旁薄辭昏遠霍氏家風猶謹恪積此素心規載籍斯極
博君系亦天家射策又膺爵意乃簡翰親神對簪纓蔚園久應
與臺省選不赴恭持天寶書手澤新如昨澹蕩羽陵閒先臣有述
作父鬱儀公藏書甲海內著述百餘種有所稱天寶藏書者以視漢宗親千載相唯諾我
性稟專愚賤貧本章索殘闕肯保持易與為寂寞高懷且若
斯鄙志亦安忤因君益書淫百城可長護

逃覽古聞人余宗多好博向歆既紛紜炫焯亦踴躍彥和總
文心知幾擅史略放敵怒清之在宋九帙擴墨莊名本尊鈔
書訓亦恪至其矜多識歐公受嗤噤微生得姓後此志敢衰
落斥產典衣裘情懷得栖託君本輜軒使方言隨簿籍況有

先世藏牀屋多度閣張華所未窺君家藩溷著視余夸父愚
掇拾強奔絡海若笑秋水瀾漫一時涸欲問章門津西山恣
意攫

申公移居

先生以吏部郎忤時左官南國子博士新居梅甚盛
白門楊柳多貴者梅花樹梅信今年遲好花留宿霧我登君
子堂清香曲砌度開篋出琅玕縣榻積廚願詠懷既阮篇五
君亦顏句有懷歸三十首及南雅七子詩亮節與澄心今古時回互在昔典
劇司意與古藤諭吏部署有古藤四百年物也今守四門官身就梅為寓
高唱對寒輝清光獨妙悟

廬墓詩

宣州陳龍媒嘗與眉生游京師今聞其廬墓詩以寄
之

妙三十九

七

綱常本自重富貴使之輕親恩有父母官高不得爭
覺貧賤士乃自致其情宛彼北邙冢宿草亦已生旁有孺子泣晝
夜無停聲月黑風悲起鄰鬼叫相驚兒無苦與怖至性守
經身為母氏有心為母氏精燕寢華屋奉目絕念無萌兔祥
與鵲異況暇及其名彼哉墨縵夫良規徒怒瞪

中秋前一日程公世昌招同鄧東之森廣燕集齊山得

避字

涼風起高秋山容肅清致妙緒散諸峰領取殊不易美人持
憲節事劇神安粹情性關煙巒衣裳染新荔懷古振積楹采
山挹深翠清巖並蚪松寂寞久欲闕當其激賞時人與俱奇
邃歐公燕湖亭蘇鼉羣賢侍淳氣及旌麾野老亦不避風流
兼上理茲游良可觀

程公集齊山令弟際甫世會留署中不出賦此致悵用

避字

我聞次公名不自今日始城頭一揖閒雅人見深致清光不
厭多于我亦何悶齊山巖洞幽老松擎拳異非必巨靈為要
是麻姑戲胡不一來觀持身抑已忘禮固我輩設嫌豈君當
避寒霜與明月彼此共氣類引領石上泉相與論文事

齊山翠微亭為程公落成同用避字

齊山步步好聚景亦有地前人之所亭采勝選其至額以樊
川詩山遠微見翠風流久不聞寥落峰容頓羣榭一例積茲
亭泥礫弃豈無強幹人簿書錢穀吏化理匪所知川原眇生
意廢壞轉相郵登覽搖手避如山無舊觀不獨兵荒事我公
來蒞止軍書亦已曩談笑有綢繆暇整由嚴送要其出治原
清和以為始敦詩說禮心樂水登山志修廢既引任意匠亦
指示俸錢斥有餘不勞民半穗一亭既以復全山氣若備譬
龍但點睛鱗爪皆利器枯藤及敗垣欣欣如已暨和門旗鼓
新山寺禽魚萃靜中條理通微以息相吹人和事乃舉功成
時無累宣化與民同豐樂亭有記

妙二十九

丈

白門寓孫振公中麟園

佳麗不消歇歲月累行游今年因烽燹冬深始來浮嚴霜零
枯柳崩岸狹寒溲清晨遇孫子解后西郭頭霞氣照旭日古
誼悼時流慷慨指近事冷冷吹我裘坐我讀書室告我卜築
邱攜手陟南岡破塘泓以幽寓公遂專席匪與春賃儔倚竹
得長嘯垂竿可狎鷗

與金大中丞

光宸

青青琅玕樹奕奕朱鳥游爛爛卿雲騰欣欣百族投天門正
浩蕩玉京坦以修長鳴思振翰永與堯夔謀一朝雲日黯摧
羽墮丹邱丹邱無所恨惜此薄俗說

寒風吹棘林達人起長歎不歎蕭蕭萬靡悅此椒蘭幹申椒有
至味谷蘭匪近玩行哀凜烈風蔓草同陵亂堅貞自保持芬
芳自流盟飄羅豈終朝光華旦復旦

紀事答問

有序

歲杪入白門友生過而勞苦問春二月兵事舌本不
給也拈杜北征韻答之蓋池之為池而使江南陪京
得如故兵備光山程公世昌力也公既不言當途亦
無言之者昔人謂書一代之事與國風雅頌相表裏
則北征不可無僕竊取此意備風謠焉

皇帝十六春正月頗和吉吾池江以南嬉游如平日羊鐙已
滿衢人勝猶望筆客來萬里行握手趨余出動色戒處堂楚
江盡旗勿云非闖獻為懷光起事卒昔養賊自豐今作賊更
猾截流掠行舟片帆不得脫殺人已如麻括財真若櫛舉取

妙三十九

九

盡東下氣勢甚狂獮睥睨視鍾山惡意難致詰鄂渚不屑居
潯陽未肯歇余聞後先語然疑意恍惚君恩與臣閑一旦豈
決裂遂巡二月初警報果迫切菊江來告變沿家遭屠滅撫
皖有黃公軍書亦該悉負擔及襁褓泥塗纍雙雙哭聲干雲
霄訛言已近實吾池有程公監司官職臬移節自蕪陰歷任
未一月遵茲倉卒師百務一身挈醜酒誓明神登城矢執節
塚夫親點排兵器自布列黃稍案方成鈴鐸依時發戰具靡
不工守具靡不豁遣卒往殷匯施吮彼難突張軍置湖山據
險彼無窟游徼待李陽察見彼出沒飛帖防姑宛穿罟彼奔
軼郭西秀山門來路當哽噎公遂身其難讓夷心血熱晝夜
麗譙閒風雨巡不輟倏忽接高牌勤王名號揭糗糈巨萬須
芻茭千億設池人束手嗟程公開顏悅謂彼既假名我可施
羈繼一介先馳問羊豕亦備物猛獷雖自矜頗為虛文折須

史蔽江來牙檣難具說或大如應龍或小如蠖蟻或舫稱書
畫或舫號吳越或簫鼓滿部或粉黛一抹或漕糈堆山或官
鹽散潑烏沙至銅陵首尾望不畢北岸接新洲江流失廣闊
池人既土色池官皆瘖疾公獨螳視之云似飢鷹渴但令就
鞞籠奚必加恫喝擁薰出西門闔城長跪聒公意同韓愈徑
往庭湊室開諭詞既多尊酒歡亦暱備禦固以嚴玩弄復有
術錫止嬰兒號法制猛虎蓄陰陽操縱神洪鑪化頑鐵弭耳
始投戈令箭撤前卒所到鳩茲隊返轡若飛鶻徜徉吾城下
初念始欲割又聞劉超禽此輩魄亦奪談笑杯酒閒水陸營
旋披漸回安慶帆共釋金陵倭江左復晏然東作始相率芒
種雖已過買牛事犁弟合計墮門期春夏兩時閱當公在西
譙余實披短褐執爿左右之衣裳生蠶蠶艱危共許時議論
嘗入骨苦心頗得聞祕計慚獨闕破產食壯士余亦瘁且劬

妙三十九

三

閒有前籌商賴公明斷決公蓋至性人忠孝生膽烈不懼亦
不吳力行非口舌功高人不言微公吾豈活郡邑非無僚資
才聞而劣前旌望欲驚左足不窺闈荷我程毅襄膚功可碑
碣嗟哉痛定後追憶成癡兀制淚探交游多屬無家別弟妹
盡天涯宅基半艾掘腰鏹耕夫死負軛牛種絕餬口計無從
官稅遲有罰山寨雖自保擅殺亦驕伏行旅挾微賞就死多
冤屈遺骸掩不盡路哭喉乾咽獨有從軍樂消搖自饜養大
帥乃專征偏裨盡金穴中使錫朱提王綸褻閭閻又聞陪京
臣敘績徧簪笏人比禽敵勳家擬分茅伐惟有程不識不直
一毫髮吁嗟先朝事喬宇惜已沒藿食有風謠聊以備采蓮

齊山探左史洞至史巖

游人愛齊山多在山南止山南豈不佳美好眾所指未若迤
北閒陰森拔地起華蓋固高華神工如結綺及探左史洞黝

然總神理到門即窈窕太古雪成洋稍進見夏屋高廣亦清
泚石色照肌清穹彤干雲峙四方而削成彼外此則裏我聞
林屋名祕跡稱殊詭廣長或未幾曠與應止此數武尋史巖
幽險無與比倒石如懸牆稜稜若斲齒壁燕集成黑倒罍大
逾咫體性肅且寒流乳皆霜髓遂警游客心端恭斂張侈山
南我所愛山北我敬只平生游齊山幽邃自今始

寄懷厲先生

立身

昔我先大夫通判處州事維時守鄭公漳人推博邃先君富
經術臭味草木譬學古與經時相投水乳意屬內闕長官輒
推別駕治青田號巖邑攝政兩承匱賢者既握符事立神不
頽簿書錢穀閒游刃有餘地美政首大綱作人先善類按文
勤闕宮造士選尤異於時屬與王驚喜得士二遂以告鄭公
心好口不啻鄭公憐才人歎息獎藉亟名既傾一時士流乃

妙三十九

五

曆至余時在童年象勺舞未試風氣或日佳伊唔亦漸肄先
君擇嚴師厲也吾師始荷齋有泓池書堂亦敞肆為復亭其
閒種竹多光翠余誦頗中程撻記不勞費每蒙過相夸他日
成國器三十年前景彷彿今猶記先子賦歸來隔久如夢寐
聚散與存沒感念喟且淚城已髮種種先生老安避今年接
良書近狀乃復備敘往善誘多蠅頭字工綴云自秉鐸歸首
藉盤中膩買竹種千竿檀欒照晚醉涓濱豈胸中籀孫日華
字非無洛陽花力貧不可致性亦此君宜儻直無他媚保此
樂餘年陶菊周蓮比聞茲子猷風追念先州刺家世萬琅玕
已矣賓客棄俯仰涕遺書悲歌遙望政總雜寫長思三千里
外寄何時造竹所承誨仍辟咩好音幸無遐亂世郵不易兼
此致王生各勗先人志野竹且干霄皓首崇高義

嶧桐詩集卷第二

潭桐詩集卷第三

二妙集四十

貴池劉城伯宗著

五言古

茅山宿元符宮道院

四十未聞道茲游欲何之蒼然滿山色應接非所期
虛簷既延入一榻飽支頤離離俯平楚奕奕有光儀
素秋度枕上咽液甘如飴起視心欲盡空青流妙姿

苦雨

晴日不覺好一雨始欲愁春風失駘蕩長日坐陰幽
山容無冶笑麥苗何時修青鞵罔所適眺覽乖初謀
鬱鬱銅駝恨袖手年光道

頗諳田家占陰晴候不謬連朝既淫霖偏昨隙光漏
從此二月中冰漸滿山岫逢庚難望晴聽雨何須戍
豈但阻幽尋春

妙四十

一

寒土膏瘦農事遠可愛近亦闕薪樵我欲賤天公
白日何時晝而此日獨晴又古語久晴逢戍雨久雨望庚晴

避暑嶺僧舍

結廬在道旁喧靜頗異趣曲折地幾弓清幽氣自布
疏竹遂為垣山蘭多成聚佛事在時花香國藏蔬圃
逆計穀雨前旗槍茶滿樹爾時姚黃開重臺復累跗
我欲再來過出門猶屢顧

詠史二首

武鄉躬耕時兵事有神授八陣古無傳奇出孫吳
右況其出草廬參幕如賓友持麾別有人把鉞非己
手一自官阿衡漢益居中守永安既晏駕孱主不可
久然後出祁山兜鍪頻趨走威望已積年宿將皆俯
首維延雋杰姿吞聲敢開口平立亦俊才廢置如芻
狗所以在行開刁斗如壁陡立國豈崇朝

習事亦不苟聲實權藉閒積漸益非偶後世一書生徒步登
台斗雖抱葛亮心數者曾無有疑丞遽執及蹉跌伊誰咎

信國雖書生久與行閒事瑞贛屢典州專城固外吏安撫及
提刑間外明相畀糾合既有資恩威得自植所以振臂呼事

習能生智半日右相麻皋亭已難避徒以信使往羈縛猶一
蹟自脫潤州船始建廣州幟當時燼已微君臣一葉寄號呼

併命同將相敢歧視然而空坑閒時賞于雲義泊乎五坡嶺
子俊猶甘偽得士亦何多就執殊不易杜許不再生此事勿

復覲誰為請黃冠夢炎且多忌噉噉炎午文公久知此意惟
有張毅甫纂篋早恭置

病中

中散學養生神仙期可致著論服食功痛為桓侯喟云何乖
俗心遭戮如屠彘典午弑械成士季免機恣劔簇氣彌空驚

妙四十

二

鍛終垂翅吐納既不皇蒸染亦未企病死何可得藥餌真嘗
奔上品養命書吾疑神農儻

陶公不得意云進杯中物我笑乞食人餅壘亦易畢雖貧而
非病得酒終如蜜嗟我獨何辜失意得嬰疾連雨溼氣蒸兩

目如芒蕘欲讀山海經字昧六與七欲見田子春觀面或恐
失新醅雖可傾攢眉俟異日

杜甫始五十耳聾齒亦落臂枯及眼昏又復幾時作哲人養
神明舉體何遠惡安史播羶腥人羣醉酥酪家國蕩折時窺

走馭疏屬焦灼及肺腑形神應錯莫斯時何等入肥澤而安
樂

子瞻喜合藥藥以濟病者及在憂患中養生論屢寫比痔為
嘉賓譬身以館假主人既枯槁客自翩然捨此意真可師味

淡嗜宜寡我有大醫王薄粥齋盈把有又不須藏筒無餘錢

瀉

憶小園

為園如結交久別念伊人如我城東舍幾年交倍親入門小
梅里鐵榦具冰魂繞屋多直柏青蒼意甚敦當窗玉蘭樹高
潔與雪均牆角數竿竹始種未參天氣勢雖云寡瘦直已可
欽海棠四五族西府頗為珍山茶止兩本一本百朵新其他
紅白屬纍纍充下陳念此風雨際聚花真坐茵方塘潄止水
清今可濯纓巡隄陰垂柳酒熟宜漉巾當春憶春事斯地足
晨昏深山無塵夢入夢故園頻好友多長別茲園勿復云

子整哀殤作此示之

乘化有去來牽情作生死彼殤返其真哀者痛方始所謂父
母恩罔極類如此大恩有窮時不如廓然已

無疾且為憂有別即作苦況當下殤哀難聽忘情語男兒可

妙四一

三

憐蟲作父尤多楚毋為造物憐倔強猶起舞

觀雪用所南韻

空山宜看雪雪滿黏天色幽人聳詩肩天地俱一嘿罌壁句
何鄙鹽又韻有極獨立欲悟時聰明靜自得

幾人同對雪對雪幾顏色欣賞發浩歌憂傷但悶嘿寓矚聊
意行空闊渺何極魂魄濯冰壺淺深隨所得

春朝觀雪用所南韻

春日驚看雪雪盛埋春色將芽樹不禁欲語鶯還嘿天地黃
昏中高樓黯無極四山豈不多微翠不可得

殘梅當盛雪似與梅添色黃雲絕人影幽香枝上嘿騁望一
迷離茫茫目何極我思貌故人今日靜中得

舒生廷詔為余手錄諸書喜有此作

士俗不可醫醫俗惟書好漸漬古陳篇氣致自華藻我昔擁

百城坐臥恣蒐討兵興零落餘存者躬自抱貧來學荷鋤帶
經就日杲持竿亦護雞麥流不覺潦惟是鉤纂多腕脫幾如
槁鈔寫貴精良未可雜行草生也小楷工道秀頗自寶念我
獨立艱牛腰捆屬稿春蠶食葉時積楮忽如掃豈徒行墨佳
亦將義蘊考知當適意時讀書恨不早相期無倦勤伯業況
未老

輯南宋文鑑志感

羲軒御世後禍亂誰最劇趙宋建炎閒君子獨痛惜陵園陷
虜廷翠華沒沙磧豈無宗與李汪黃力能格亦有鼎與飛一
檜恣啖辭小人快身謀君國同一擲馴至厓山時洪流沈宗
祏徒聞正氣歌燕山血已赤後來釣臺西哭聲裂竹石

詠史

武安既鼎貴驕橫不自持一日語仲孺吾將觀魏其王孫遂

妙四十

四

帳具夙夜掃階墀平明謹伺候日晡尚不來我思蚡正幸言
事多所私賓客共輻湊長跪叩諛辭金玉及狗馬翩連絡繹
馳況彼曲旃後婦女若魚麗蘭膏旦方續車茵晨豈施牢纏
非一事阻滯有因依褊心灌仲孺不憚奚以為

賦得盧丈楨

盧生佚材士含吐古雲韞抗懷兩司馬濡首一騷經誤遭世
俗吏陽浮慕為名從容與期約且日過先生晨起理簿書既
晨香千旌夫子遂閉戶獨酌進兜觥一觴再三詠淵淵金石
聲須臾闌車騎堅臥不相迎墨宰愧恨去文深大獄成當時
亢激意彷彿夫與嬰一朝遂違患龍性故崢嶸

上曹山

曹山時在目今日果此願山跟已谿衍泉路見奔噴曉霧散
旭初遙岑來足健忱憤詣躋攀僮奴屢登頓去地能幾尋羣

翠已來獻人生不游覽禪豨豕在圈回首俯平疇遠綠如絲

下曹山

秋毫一徑上頂腹乃中達敞豁聚村族方廣開阡畦筍與冷
然善私誦非所期坡陀始欲下峻急滑如脂崩沙不留趾積
崖無攀枝躊躇待步踵顛躓比流澌劣得至山脚矜人回首
嗤

查村

青山勢欲行其意乃自靜良苗氣已新而理未堅勁敗垣圍
古屋貧氓實舊姓當暑陰寒流怡情亦濟性樹密夏蟲稠可
中日景正

始至俞菴

遙知此一龕促步不得至既近轉疑非隔溪招手跂到門氣

妙四十

五

自清紫柏貴且穉疏翰景可依屋小居自闕仇池苦難尋草
略于焉寄

行眺

蚤暮有佳氣炎熱變清和前山麻苗秀後山茶本埜豈棚多
熟甲稔勝盛良禾謀生事已足無生更若何三宿遂多戀欲
老此巖阿

村塾

臨流見小築密樹成門屏山溪既敦龐弟子亦修整執經皆
對牀歸餐不踰嶺強立事有時雖和氣已永木樨聞妙香紫
荆落檐影智士感當通觸物勸深省

湧泉寺

頗熟湧泉名未靚湧泉處赤日厲揭來訪古不辭遠石貌既
夾蹲泉聲亦遙著古鐘苔久埋檀像遷欲去所欣梵唄稀擺

輕聲能助所嗟龍象微雞豚羣亦與欲卜西枝村難逢贊公語

水漲

雷聲起枕上雨勢欲拔屋蛟龍一夜爭暴漲彌平陸喧壓聲未停泛溢勢相蹴昨來一曲流今若倒羣瀆氣昏色正黃意廣情亦躓因思古滔天浩汗周林麓觀水氣勢奇感事心魂肅

漲後

朝來混浩勢我謂沒陵谷漸殺及午中故道俄然復逶迤竟何之灣流仍可掬白砂被黃滓量泥盪止斜昨夜所至痕指示頸猶縮岸圻騰則崩樹倒苗亦覆快意幾何時盈虛幾已速

徐生章生先後來過

妙四十一

六

畏人投深林謝喧息禪觀二子云胡聞不謀來行衍先至敘契闊衰顏方共惋又有濟流人下馬發微粲或為客中客或已離家半同是遷徙徒浮萍偶聚岸子真不浪出余亦非習鍛為我悶行蹤甚恐入親串

兩童生

來移余湧泉寺

衝暑出家門山行二十里一僮攜襪被一僕肩酒餽精鑿及肥鮮簞笈殊繁索問君胡急行來就豸龍子豸龍術已迂技不如刺豕篤嗜此奚為行笈躬為徒拂我舊禪牀日夕問妙理新聞與近詩牽連供稗史幼安木榻中如起華陰市

子鑾偕吳山賓自峽川至湧泉

當以眺覽來無為禮數視山色又一村泉源湧此寺耳目寄物華屢遷得新意友朋毋久泥偶值發妙義隔此一溪流蟲響各自媚逐景深夜中節要應殊致且起論一堂誰為駁與

粹

二十四日諸子畢集湧泉

晨起理巾衣相對得一笑禮乃我輩設道必無名妙竹閒泉
自流石上雲閒照攜手但裴回得意憑狂叫僅佞與王喬已
老不復少美酒與綺紈昔人聊自料悠悠千載閒何處蘇門
嘯

寺後看泉湧處

淵明觀田水云已過吾師左思賦清音亦鄙竹與絲何如此
噴湧峻異粟我肌昨朝雨水漲橫溢但披離今日敬觀此石
束如長嘶大白不可滓大運無窮期

姜生先後至湧泉

渚湖深窟裏門限如以鐵厯險至湧泉層嶠多頓跌盛夏況
日中躋攀氣欲噎多此三子英就我忘勞渴握手欣夙歡看

妙四十

七

面嗟新纈比來意如何豎義足怡澤深語得微涼念此從前
別

今日良宴會寄答陳伯璣

今日良宴會開尊聚林邱酒行氣已酣觴小不中酬顧取伯
雅來升量形已修良工出妙制上蟠螭與蚪下識姓與字是
我舊朋儔故人勸強飯重云酒忘憂寄茲相勉勸受酌敢遲
留當前奮清響坐上奏清謳秦女及趙婦白紵舞不休未若
執此器日夕醉為謀

今日良宴會多是田家侶雞黍約鄰翁滄瀛出兒女停杯憶
好朋孟公在何許吐氣既傾人弄翰亦飄舉雖復正流離顏
壯無消沮知當興會時長筵望江渚車轄積前楹客醉不得
去試取幾部書酒中零亂語況與公幹連孔璋得爾女張我
放山椒相望長流阻

劉遠公為伯璣
內弟時同旅寓

夜夢亡友李源嘗似言天台瀑布之勝指畫恢奇如其
平日覺來痛念作此紀之

昔子入天台我作長句送彷彿天姥吟筆走神俱班子頗愛
其辭攜袖逢人誦歸語游覽多使我食指動已矣邈音徽奇
言幾年空臨風時苦思感子入我夢願盼自偉如軒渠傍檐
棟悉數赤城奇瀑布誠飛淩大小龍湫流雪噴亦乳湮指畫
作形勢擬議欲相中語意了了明高談無微諷不知何以別
忽覺窗禽哢屋梁無月光顏色難再共欲更回夢中追子將
何從攬衣起巡牀懷人腹欲痛

再示男蛾

銷夏既泉源觀水頗極致谿流漲退閒達人引深思寔念欠
申餘爾之先子至談笑若生平長語昔游備飛瀑石梁奇津
津手畫地視其意象中亦類久別事乍到驚成歡欲去恩且

妙四十

謂約略其大端快適無憔悴此夢既非噩因想亦無自要是
故人情閒中出幽異憐我久索居影隙一交臂連朝得芳訊
子弟其氣類接要魂先通勿云來不易

次答伯璣以子鑾過蕪相晤喜而有作兼以見訊

狂飈無靜塵崩岸無平浪叩首鵬鵠飛生性惟南向南陽久
蒼蕪荒寥失葛亮茫茫原廟積靈來欲誰傍出門躇步閒所
遇競新狀態我同心人澤畔遙相望元龍氣本豪中郎才亦
曠閔默寄江皋依隱匪跌蕩執鞭穉子懷扣舷霜夜訪深論
不余遐聞言庶自壯夢吉與須溪豕風有微尚巡繹感遇詩
短歌聊一放

讀後漢書

狂秦雜戎翟閏位干常紀炎劉一正之聿刷古先恥昊天鑑
大勳奕葉命為子哀平雖小蹶高文祚未已鬱鬱春陵光煌

煌宛洛軌入出白水真烈纘西京美紫色龍聲儔豈有長年

理
高皇有大度不事家人業文叔惟直柔稼穡勤躬涉酒色崛
以興謹厚望尤協斬蛇固恢奇騎牛亦凌躐皇王未起時神
龍在井渫送徒猥役親訟租鄙事攝安知古少康隴畔日相
接

漢澤入人深人心思漢亟更始牧豎才乘時業幾植子興亡
是公借名人亦得何況蕭王興羣才自附翼河北建行旌東
都莫宸極哀哉述與器不度祖宗德

新都既竊據單于亦更名夷虜與盜賊自古共生平閉關誠
上策都護亦長城三十六城郭制之奉王正玉門萬里外父
子若踐更我思班定遠千秋揚烈聲

紀事

妙四十一

九

獻歲甫四日兵事來九華始以檀施至既乃義旌譁其徒不
百人赤手無銜鍛問誰主是事燕山史阿耶阿耶正魚服僧
菴足置衙或疑公已死或謂貌無差羣緇既羅拜誰奔盡邇
遐村農荷白梃大家莊赤駮投身備卒者温言慰藉加亦有
髡數輩惡此如疥痂告密郡若邑出師馮大牙行行華西址
陣鼓未一搥相持若相憶彼此覓路又渠既鳥獸散飛舉亦
受斂此乃精藍入搜括無遺毫龍象失指爪諸天去寶華何
況彼髡室盍杖及袈裟鏡歌曲正奏錫旨助堪夸惟餘九子
石樵悴使人嗟

讀梁史王琳事

桓桓忠武王奕奕粹精姿湘東曾肺腑蘭陵賴拄搢受疏意
靡恨臨顛節不移接繩鎖名將分金感健兒縞素哀楚帝泣
庭請秦師蕭祀冀無廢陳興豈所怡惜託龜茲地致跌壽陽

跡忠為異域重義為戲下悲一叟啜遺血萬眾淚成瀾故吏
求元首義士崇封藁殉田東海島死葛淮西碑物以貞誠動
事非任俠奇由來號閒雅偉烈信如斯

詠史

公休負盛名不為典午屈禪代訶逆徒立節誠壯屹志在張
當塗稱兵豁拂鬱痛惜少前籌壽春坐自詘文唐穿一城連
雖困罔尉倡義貴直前迅掃如颯颯戀棧枝栖中受制如絙
紉坐聽老奸成千載我心愠

英公舊勛喬意亦益前愆叱朝謀篡代舉旗義獨先當時魏
生策大眾鼓行前執言指洛水師壯事百全悼恨營狡窟潤
州日回旋操刀不早割時去事徒然羣狐勢日劇李葉坐烹
煎祇餘盾鼻檄義憤至今宣

寄懷關中李叔則

楷○余別叔則久于鑿達之
于湖得其來書用韻寄此

妙四一

十

大化有推遷英人亦代謝夙昔同心徒星言何處駕游絲颺
晴空離合時皆乍意外得逢迎謾謾松風下少年御車還容
色多矜詫良書理舊曲清商調欲瀉此字滅何年長留互曉
夜我欲往從之所思山有華

答李男峨

浮雲歲蔽天騰蛇日起陸荒榛大野閒猶逐秦時鹿噉彼磴
徑徒陳編抱空谷好鳥求朋儔嚶鳴常苦獨振羽近山椒遺
音時往復

即且帶是甘朱鳳悟為嗜萬物盡營營所親各氣類潛魚聽
鐵鳴玄鶴翔音肄感者幾相研通匪夷所思所以爨下焦達
人嗟其異

讀穆天子傳十二首

淵明讀山海經詩曰泛覽周王傳流觀山海圖乃諸

章載述大荒無一穆滿事者新謠託乘之云固語勢
連及非直詠傳事也我思陶公或有厥指夫穆承昭
後膠舟未返而馬跡徧天下疑于覆轍相尋顧以七
萃之士往遷三萬餘里要荒承奉獻賚森然西周之
盛後世響絕讀之歎望交心所不忍道余與陶公指
同緒別聊復爲此止十二首者示不敢與陶競也

新秋風力弱餘熱苦蒸煎賃春人廡下婦子同由蜷既無園
可灌亦豈犢爲牽西鄰謀稻穫東家指瓜圓我從盜鼠後撥
拾覽殘編大荒經誕罔周王傳整妍六飛巡萬里徧徧徧八
挺此事不再見望古徒惘然掩卷時太息驂乘在何年

翠華征犬戎彼猶觴天子禮享必敬恭皇心斯說喜後來雷
首阿從容再休止聖世有餘威荒服固如此
我觀西王母賓禮亦謹備純組既拜登觴謠多縛致天子歌

妙四十

十一

東歸豈有神仙意虎齒豹尾形山經何誕異

采石鑄器用嘉禾飽邦民越國取之歸何損古明君載玉至
萬隻獻女爲嬖人後世如追數此過誰與論

羽林既暴書劫邱更誦讀六師行在中意猶勤簡竹宴游雄
才多稽古玄情篤後王孰可希茂陵庶芳躅

和治答白雲氣象何敦宏黃竹哀雨雪憂勞見至情命官謠
歎玉侍從亦霏英縣圃弁山勒悵惜逸其銘

銀精如燭光金膏流爲液寶物出英華何況名賢積循河萬
里行禮聘胡絕跡將無井利輩蔽賢從中阨

廓絮削閭外人國多僻希渠黃白儀內名號幾陸離事物既
詭譎點畫更瑰奇所以博識人此中字有遺

乘輿所至止進御無怪珍牛馬羊糝麥用物多敢論乃至良
守犬百千亦紛紛因歎七萃過耗損難具陳

井公伊何人天王就之博一戲三日留往返再為樂公誠有道者胡少諷諭作勝負竟何如上下幾相讒

盛姬寵璧臺一朝疾問至喪禮太侈靡列侯陪哭次悼念發佳思擊錫淑人諡雄主每多情哀樂誠深擊

曾里西土數澶水迄曠原三萬五千里振策若家門洗足及樹竹事瑣亦堪言今雖具駿駕已矣躓樊垣

秋懷

退之秋懷詩十一首如陶公飲酒貧士作寄託深廣然退之身既通顯又在憲宗元和間故有蛟寒可憎豈我無能之語余時與地去之遠甚臨茲高秋雜感紛至積得十六章有讀之者曰彼自詠秋無與他事幸矣

妙四十

三

登邱一騁望百感我心勞天高有雲征氣色但蕭蕭念欲命斗酒四顧無同袍鷹隼順時擊豺虎尚羣噪驅劉在古典毋俾大猾逃利劍不入掌寒士安得驕

觀茲秋日落憶我渡黃河河流渾以涵秋日漾洪波落木今紛下洞庭寒更多帝子在河渚渺渺愁無家樓船泛汾濟蘭菊發謠歌茂陵雄略主老至歎如何

代謝成古今榮悴如流徒金飆從何來著物成凋毀陰生在午中霜零由夏始豐亨物忌靡離明帝傷恃銜轡一以弛氣勢來誠馱搖搖落日趨多蕭瑟不可止

黃金亦以盡紅顏亦以衰欲學長年術大藥苦無資此身同秋草豈得久歲蕤繁憂與嚴霜同為蒿里師惟有修名在千秋不可欺無曰千秋遠有酒斟酌之

高樓有思婦臨秋不勝情朝見桐葉落暮見飛蓬征所思不可得所願未能成流光一以逝絡緯豈常鳴陳辭告白帝距

踴淚縱橫白帝復何在迢迢不我迎

羈人易爲感怨士易成悲紈扇欲入篋動我紛紜思我昔盛
年日華棖白玉墀雕俎通夕宴綺羅稱體衣何異朱明際西
園華蔓滋一朝空谷裏蕭索比茲時

昔我游京國驅車望岱宗涼秋八九月氣色冒龍從念欲上
日觀俯視滄海東又欲發玉簡覽古云亭封文成漢代頌意
鄙秦時松蹉跎志未就涕淚今何從

秋風既以勁秋雨抑何淒落葉積階砌朱華萎陂池閒庭浙
漑夜栖烏斷續曉游子悲遠道弃妾怨空閨達人動慷慨貞
士抱幾希吾生豈百卉獨傍春芳菲

人生未百年燦若彼朝英被服美紈綺飲食羅圓方要津結
高足藝苑擷羣芳策名方爛漫春日正朝陽柯葉日就脫秀
萼日就殤霜團根核在獨此良爲常

妙四十

三

我欲讀我書夏夜不可燭蟲蠅瑣細徒聒耳嗜膚肉涼宵永
一鐙抽觀隨手觸澆羿互吞噬羸呂俱顛撲惟有周漢長東
洛仍西蜀浩歎掩陳編砌蛩聲急促

秋夜一以長秋雲一以薄秋草一以黃秋露一以白秋士一
以悲秋心一以怯夜長有且明露白有晞赫黃可計時青白
可因風著惟餘秋士心蕭條長廓落

山深涼氣早林茂秋雲陰旅人中薄寒始驚鴻雁音城闌來
素書把讀淚沾襟故人前日逝好友病今深田廬既不保成
卒更侵陵妮妮纏繚語加餐力不任

綌絺不可御踏步見繁霜裁縫問鄉里密綫出新裳感此骨
肉聚穉小況成行秋蔬飽我息涼月照余房亦有同心人飄
零非故鄉蒼蒼兼葭遠功名難審量

莫羞賤與貧帶索歌常浩莫憂渴與飢餐菽糧堪飽取丹泣

然祖鞠乃猗與好百舌蝴蝶天蟋蟀俟秋慄豈怨生身邊笑
彼爭時早秋氣窮巷閒不歎東門道

靈均戀宗國宋生傷其師高言多比興咸引秋為辭後來陶
徵士藝植滿東籬九日或飲酒斐然亦賦詩滔滔恣川文燧
燧光兩儀噉彼揚雲閣雕琢愛離奇

梧桐鳳所宿鳶鷂不敢栖葶收一秉令綠葉辭高枝靈鳥既
不至百尺翰奚為瑟琴娛世耳不如委塗泥夷仲自放廢守
正亦知幾秋山有佳色行歌宜采芝

奉寄舊中丞鄭公潛菴 二陽

江淮人憶公公歸夫佳麗皖廢如蕪城池枯可淺揭乾坤遂
變更人物咸被毳向來帳下兒壯健從嬰鬢猶有游暑棠條
垂羣指憩思公教我時牙旗談定慧已知劫灰翻解組授四
諦非阮亦非嵇工拙介夷惠河流渾欲清須為強飯計辟穀

妙四十

南

事荒唐良謀在樹藝蒙莊灌溉時人作楚相睨請公兼酒泉
醉鄉無戶稅

鄆陵鄭公以種菜詩見貽次韻

無圃得稱鮭儉腹求畫菜持米乞鄰家晚食至嚮晦僦居掃
不除敢問南山穢已有鄭監門句圖可相對

鑿有白木柄笠有青雲鉏湘騷粟里句英華亦含茹吾師真
丈人迪我農之餘州府況久別不辨貴池魚

寄答陳百史 名夏

威鳳既雲翔苞采爍舉世當共出丹山整翮亦詳睇容與現
玕閒迅舉中天戾華伊有去就散宜有曲計遲之又已久時
來不復制至今胡運功只見光華麗

神魚多游戲豈復畏泥沙鱗鬣有時損變化忽騰拳任釣不
可致且羅安所加英賢開運數留去成隆汗虞亡秦以興其

故使人嗟盡歸乎來者廉仲盛能遮

平陵古荒郊自昔多俠義擊絲一女流深識冤臣志伯桃游
學徒亶濟友生事千秋瀨水芳一杯菑塘記追懷古處心樂
此非矜異此事勿云希人方執高誼

擬古少年從軍行

朝來鄰老說出車選良家我髮已就東萬里行何嗟有鎧輕
柳葉有頰燧桃花生來通猿臂騎坐白鼻駒我非自矜麗侶
伴實皆誇燕支山下去應或羨容華多謝鄰母慈征衣手縫
拳待取名王歸千金報無涯

學書未能竟頗嗜結客場遨游酒壚醉有客睨其旁目我不
轉賜指語坐上郎謂君無少少此兒貌非常行年餘二十威
名在邊疆聞言私自負內顧才亦當家有半殘帙云出張子
房略讀識大意兼之身手強相術若有駭不畏磧砂黃

妙四字

五


嘗笑秦舞陽當陞色造次如遇沙場敵魂悸安能刺男兒非
伏雌扶圍輕兩翅奪馬縛胡雛乃是超距戲取將萬騎中神
勇如薄醉匕首盜賊才長劍封侯技

匈奴俗賤老馳獵多壯年我今正俊少氣決頗無前何不出
身戰長技占其先近聞兒單于嬰孺殊可憐志士服強暴羞
取此羸孱匹馬幕庭外且縛左右賢

曾持黏竿嬉頗悟誘敵理上樹探鷄巢捉生亦如此殺人在
見血大都如刺豕磨刀即揚鞭戎行貴輕駛宛王毋寡頭已
為飲器儼人生無百年戰與病同死難學姜子牙兀坐一溪
水

家有嚴親在豈敢身許人私交軀不借國恥義當伸上堂跪
拜白諭我勿逡巡兄嫂持門戶菽水給晨昏此去醋溝北又
踰蔥嶺行上馬刀常血下馬草常橫道路難里數歲月難期

程歸來或皓首顏面認難真但斬功名立離別勿酸辛



妙四

六

嶧桐詩集卷第三 西嶧嶽其且流修谷立離別勿酸辛

學桐詩集卷第四

二妙集四十一

貴池劉城伯宗著

七言古

趙公祠堂歌 井序

公名昂發通判池州元兵至守臣遁去公攝州力守
城陷題詩署所與妻雍並縊云

陳橋氣盡奇渥起幹難河水浸天地分符大燾宋家臣降旗
款狀爭相遞池州彈九江之許長戈蔽日事可親伊誰太守
抱頭逃半刺維公隻手柱黑雲勢壓孤城陷胡人拍掌乳酥
泛索問權州官有無粉壁兩行濃墨醮臣忠婦節自云雙尺
練齊將九鼎扛當日羣黎為掩淚至今馬鬣對寒涼我來展
拜風颼颼空山破屋鵲啁啾豕樹不分南北向祠官尚給豕
羊羞短碣長松猶可憐長歌正氣與誰酬厓山大忠如何似
荒冢應倍使人愁

妙四十一

題

一

羅剎行

吾邑侍中黃公觀死節處

羅剎磯水如箭急中有老蛟日夜泣濤聲怨聲相低昂猶為
孤臣訴於邑自昔文皇起北平耿李敗衄南軍轟江淮欲渡
勢已迫襄鄂徵兵義可聲禮部侍中受命往忱慨灑血飛旌
上誓同張孟陷堅亡肯從代邸興王賞李陽河過不多時金
川門開事竟移紛紜勸進新朝定煨燼依稀故主悲自顧頭
顛付誰是早知妻女死能隨拜闕尚稱臣力竭投淵不使榜
人持止水革除心皎皎相纍宗柘恨離離憶嘗對策高皇帝
董生天人占上第又嘗代草荅燕藩薄昭指斥辭無滯於今
身死族亦沈八口全歸照千世靖難稱師故有名輔臣誅錯
晉陽清守經執義多君子危縊余疑培養成君不見千里哀

號羅刹水奔流塞洪橋下止

觀世音菩薩二軸是唐宜之內人繡一魚籃女相一比
邱身坐蒲團敬歌以讚之

合掌長跏曰不敏聞說眾生蒙哀愍現身普度無定準旋男
旋女旋來泯籃中之魚性命緊胡不直走寬其窘欲提不提
無乃忍兀坐蒲團兩目眈未發一言但覺軀若疲津梁斷車
軫凡夫問難如蚯蚓慈悲開示否耶允良久無聲纔自蠢繡
成色相如畫箇我想一鍼一絲一出入之兆朕俱有大士
分身在中為導引不爾何其微妙而莊縝君試觀須眉爪指
顧盼精神與鬢翼

十六夜看月感懷歌

昨夜之月不可說量足神酣境已絕今夜看月月乃別寒側
光芒稍稍折形容完好雖無缺其中一點疏枝節以我孤懷

妙四十一

二

靜裏閱精氣多為昨夜竭持此徧照千英傑吁嗟忌滿與忌
泄乃知十五之月拙今夜波虧昨夜決昨夜跳梁今夜跌從
此漸漸遭噬齧但趨凹矣不趨凸欲令十五威靈揭須教再
發芽與茁追思前此何其哲初三初四意凝結退藏于密廿
孤子初七八九和以說一片虛懷白於雲三十三十四地位熱
一輪未敢凌等列進退存亡如有訣神莫出入鬼莫竊若持
十五憂心悞萬古光華無起滅

孺子歌代稚子姿護奉酬次尾

應箕之贈姿護
小字

丈人酌此金屈厄聽我孺子前致辭孺子自作人閒子伏臘
曾經九徧移劉家本是漢王孫鴻烈青藜舊有名況我阿翁
嘗自教九齡敢似覓黎人灑掃應對抑末也啞唔漸畢之乎
者他人庭訓不稱詩惟我家翁命風雅家翁得句自高歌四
顧無鄰可奈何童子心傷和者寡燈下微吟記得多高軒往

往亦來過父執之稱織若按閨庭指數誰第一伯也磊落而
嗟峨每有長箋飛陸離但看擊節定稱奇薔薇水浣莊嚴罷
必曰兒來女志之以茲唯唯熟琳瑯稟教恭虔分所當自是
平常無底異何堪佳話費施張小時了了大難猜況復黃蚩
猶服孩員傲今年見天子兒也夫何足道哉風氣日上散人
懷阿翁愁眉鎖不開料是階除非玉樹奮揚何時表異瑰我
聞伯也抱明珠英物纔呢聲已殊他時自寶家雞美肯記劉
家一字無丈人貶我亦何深綵筆提攜氣色新君不見杜公
先生詩大好今日方知徐氏麟

杏花村

小杜刺州後風流不再來清淺平湖三尺水橫側冒衣十丈
萊黃公酒盞不可識稍添紅梅傍亭臺人說杏花村裏去演
武場門相對開

妙四十一

三

家藏楊升菴病榻手吹真蹟

新都太史金鑾客老死滇南歸不得好奇愛博馬遷心油素
鉛槧揚雲宅西山禹穴肆蒐羅纂要鉤玄淵海多繫自石渠
初珥筆直至昆彌行荷戈碎金散錢皆玩弄蠹魚脈望任婆
娑即如此編手自輯字畫生動墨光溼一二三卷雖散亡二
十五葉堪珍襲參山棗軸拾古香煙鬢茶人入行笈增損圖
乙意有在藩垣涸廁時應及不同酒罍舞裙書似比藥鑪古
方集夜郎長沙昔有之白首青鐙公可師把茲遺蹟生感歎
重思往事莫然疑韋家父子爭持日濮議尊親同異時直節
高名如不爾讀書萬卷亦奚爲

健婦行

綠鵝帳紫燕釵八字眉五絲鞵雲堆盤烏罷月照流黃來妾
家夫婿游思遠佩去青萍不顧反覓取胡頭快少年盡教昏

嫁付閨闈臺前古鏡嫁時妝時時拂拭有輝光一從感妾持門戶兄嫂安居相久長

少將行

白首將軍將門子幼弄龍泉如弄水笑言高密封侯遲拔劍辭親征萬里馮牙建節正芳辰畫戟文旗氣色新綠草芊繚驕駉囊黃纒結束鏞麒麟止營萬竈圍紅玉拔角千騎簇寶纛翠裘錦帶帳中人電舉雷轟勒部曲生來猶未試龍沙冠玉朱顏對雪花奪得焉支山下女屠蘇跪進案琵琶少年情性多輕薄早貴不知軍苦樂幄內酣歌百事有風前黑月猶鳴鐸嫖姚十八斬羅姑赴利爭先膽氣竊男兒功名及盛壯豈有人人衛子夫

短歌二首

三寸管裙箋蕉柿曾書滿一尺布經緯箴縷亦共具翰林何

妙四十一

四

用主人居衣繡誰憐露肘初所以二君不肯舍殘裘禿甕愛吾廬

丹砂可學無向漏白蓮可學禁酒肉金吾可得不刺奸虎穴可入難捕寇自疑碌碌欲何從祇有幽蘭是同臭

食土行

江東數歲變交加徵調追呼亂似麻自從宣城水化血十月芳菲桃李花其時黑黍兩吾邑老父驚呼山徑拾是云災異不云祥何事空中有許粒俄傳美土產休寧神人指授石之扁肥潤真同秬秠味烹熬差救鵲鳩形我聞此事淚如雨不食五穀食泥土粟貴金賤勢使然承訛襲偽聊相取今年遇糴江之北里人枵腹相敲側忽喧此土出前村長鑿白木爭先得負畚持囊百里來剝膚剔髓萬端開婦子朝炊需此辦貪頑厚積欲成堆須臾山崩人不起骨肉狼藉空阮裏又有

飽食氣奄然中滿跼委頓死我茲目見重感傷土未生人
人更殃或疑五色石脂藥豈有太乙禹餘糧食地之毛皆賦
斂肯令食土任徜徉天心仁愛啟聖主何不豐穰若雨暘

五人之墓歌

肅寧奄尹如號虎食人不避賢豪伍崑山宰相白須兒薊州
御史黃頭豎楊左趙魏黨錮成又向吳門鬻吏部吏部清風
天下師鄉里孺婦姓名知陋室不教風雨蔽薄田每見妻孥
飢今來黃紙是誰出匡衡石顯公爲之誰何校尉執金吾繡
帶盤龍紅錦裾兩手銀鐙意猛獷一行叱咤氣豪粗坐索高
貲千萬倍輕持人命秒分餘此地要離古所有慷慨悲歌猶
在口專趨人急何足云砍取不平時亦偶忍看機辟中祥麀
肯使長衢逸狝狗一人高唱四人同五人傳語萬人洵通國
瀾翻成左袒官廨山立盡彎弓白梃下時風卷葉阜衣散處

妙四十一

五

火燎空叩頭乞命皆敕使踰垣折足此斜封當時一擊如博
浪斯民直道真堪尚驚魂沮色曾路傍建牙吹角仍堂上天
下爭傳義士爲中丞獨奏奸人狀縛向市中同日死暴骸零
落荆榛裏憑誰馬鬣封北邙惟有烏嗥哭蒿里凶人勿笑善
勿懼帝堯已自唐侯起禱杙窮奇盡伏辜登元進凱有良謀
戴盆往往日來照荒墳處處露爲濡惟此豐碑更奇傑五人
之墓道周揭溝合精勤唐珣心戴筆崢嶸蔡邕碣客子往事
問再三居人指語意哽咽我從墓道幾經過停舟草際屢摩
挲歎息梁鴻墓遠近獨留巔屬此嗟哉魏氏祠堂斧作薪上
公朱邱等飛塵那知漿削屠沽子抔土寒煙秋復春

緩歌行贈答徐巨源

世溥

洛陽賈少吳公知大陸華亭絕妙辭古來才士聲名早正君
十五二十時大兒小兒不足數青眼白眼那平施注易羲軒

相唯諾賦成江鮑定呼奇閉門望古多遙集腰支誰向鄉鄰
揖等身書熟懶重翻潑墨淋漓白練溼體兼厭妙何足云平
把長纓獨岸立今年芳訊雲中落願我纏絲述憂樂爛羊狗
尾真可憐隆中圮上紛相託新詩禿筆寫遠思東帛軺車再
三卻嗚呼南州孺子榻空縣中論偉長久寂寞看爾豈是蓬
蒿人可堪兀坐娛暉閣

清姑曲

姑康氏女正德中流賊過清谿姑遇害甚孝而烈事

見郡志

清谿女兒年十七小字清姑秋水質三尺寒冰刻削成半斛
明珠換不出口誦茫茫女史箴組文刺繡號神鍼勤依保傅
鳴環佩嬌比芳紈對鏗鬻一朝劇賊來江上江口人家皆震
蕩與父相隨同被執倉皇無計挾羅網東家西家多豔妝羣

妙四十一

六

驅之去如驅羊奮袂殺身何足道白頭老人良可傷給言賊
首聽父去扶筇已度前村於抗聲乃罵死賊奴聳身遂入清
流處白刃爭攢向水擲水光浮血射天碧可憐窈窕靜者姝
返照江中見毅魄孝全慈父智能謀節烈身名世罕儔我歌
此曲胡為乎多少丈夫不如姑

短歌行與梅朗三

朗中

念爾玄髻聲已起飛揚跋扈無餘子都官遠祧不必言鹿裘
石室冢風美屈騷宋賦日編排何妨且與班張儕顏筋柳骨
宜寶惜醉後猶橫折股釵事事那須皆第一天公所忌人所
疾吟詩倦處好安眠畫圖又作王摩詰短歌寫寄恩依依遙
知流水奏金徽王元美劉子威吾吳自此大音希仰首孤雲
眾鳥飛

英山行

美史公也在今討賊之臣史公一人而已

英布既封國都六此山得名千載獨高深繚互盤曲多大藏
劇盜小蛇蝮起自秦關古戰場斬黃汝穎徧攬槍制府尚方
徒在篋元戎彤矢但藏房二三貴臣不肯戰推牛醜酒與賊
燕乞得孫恩一紙書馳奏盧循皆革面其實此曹都自若戲
砍人頭醉酥酪數過村市見不鮮笑向山巖差得樂幾年誰
與賊為讐誓申天討樂吳鉤生長幽并心是水往來行伍氣
如秋橫草霜中無檠椒茹麤道上只乾餓病同士卒創常吮
義激偏裨手執桴飲冰不寢丹心苦擐甲忘家白髮愁舊稱
備兵臬使者至今開府節旄假從昔精鏝鑄作身何時整戈
不宿野即如英山滿豺虎白骨如麻茵爛腐橫噬飽臥罔敢
櫻河上翔翔誰適主惟公勵志薄秋旻短衣匹馬齒齧引
兵日黑猶酣戰割級箐林谷井堙豈無中車率禁旅亦有節
度號虎臣何人犄角能同力背指愚忠嗤苦辛噫吁嘻司馬
門高未可呼六城堅小夜唬烏愛錢怕死兩不著辦賊惟有
史大夫嗚呼辦賊惟有史大夫

妙四十一

七

隄柳

舊隄楊久枯新隄柳又禿清谿道上梯更為斧斤仆黠樵往
往不到山居人夜半拔根族近來殺賊銃破多般灰合藥云
此木三五公為摧作薪抱持狼藉恣蹋蹴今春徧插欲成陰
絲絲嫩弱比于金忽逢大水埋高岸長竿依此釣深潭

吁嗟行寄懷蔣一个臣

吁嗟長安盛冠蓋使爾乞米無人白新書著就不敢言應知
絳灌心相害君不見雲中上谷殺傷多濟北淮南請乞怵又
不見郡國軍興虎竹新丞相主臣官職大漢文側席正旁求
孝秀賢良今好會聖明在御初致身口舌得官原可哂

聽客彈琴

涼風既已勁客至奏鳴琴七絃初拂爪戶外越清音其辭皆
近古泠泠開我襟我不能見文王面徒思海上風悲吟安得
韓愈好詩句放歌為爾譜琴心

寄懷王在明

新俞

兼訊梅惠連

之頌

我聞全楚有三君易生王郎梅子真角札爭吞雲夢土論交
咸斥耳餘心有時指腹示羣輩何止容君數百人一自曠侯
罵賊死正氣歌成人已矣惠連感憤鍵深居變名市卒岐亭
裏王郎王郎氣莫當謂今有我豈能藏江左夷吾曾自許處
冲癡叔未徒狂一舸乘風下白門潤州吳市足夷躡結交好
識印須友游覽能徵世務言即今羣盜橫如此遼海烽煙青
又起眾人但說行路難王郎著足從此始愧我迂疏抱一經
不能逐爾風帆美問爾歸帆何太駛漢陰對宇者誰似

妙四十一

八

聞鄭大司寇蒙恩出獄

北斗尚書官不小谷口子真性太皎卅年仕宦無長物一簾
虛白供高鳥清畏人知人已知明主忠言言不疑貫索豈因
廉吏設然交如為老臣私舉陶本自重華舉釋之終致漢文
思

苦旱歌

歲次丙子迄今茲三年三見魃恣睢布穀聲催時已去秧馬
度閣亦奚為蒲生之塘盡龜坼何沉南山田及陌農夫仰天
坐歎息枯乾不比大小麥道士虛傳黃紙符畫空舞手胡為
平書生扼腕言呪力軍持不見洒平蕪我隨長吏眾人叢青
衫徒步赤日中精禳未許排閭闔旦晚霞光照地紅道旁老
翁色惆悵共說穰穰不可望官稅科條日益多公家程限誰
從放屈指榆關遼海閒疾耕轉饑如逝川中原滿地泥盡甲

十載兵賊相喧闐千征萬斂出田賦伍伯朝來不爾顧憑君
焦土金石流還他往劍新條去五日不雨可奈何道州刺史
春陵歌

大水歌

十日之前川似滌桔棹欲用無涓滴束手相看計若何遲插
烏秧宜下溼忽看白水來漫漫暴漲非因雨使然一日兩日
深尋丈低田高田盡平川繩牀粟甕煩徙置水痕已過前三
年初望沮洳得種稔今見隴阪游長鱸奠瘞紛紛猶在耳往
想大滂誰相憐我公但出郭門望長隄汎盡空寒煙

征婦怨

六月猶防皖裁衣欲寄君去時擁絮無單帽問盡平安不得
聞生女何為嫁市井六街年少盡從軍

客思吟寄張爾公白門

妙四十一

九

張子壁立仰山側雪谷寒潭不可即名高未得避牆東幾年
遂任人間客舊冬賊繞宜春臺君家完好沒蒿萊綢繆陰雨
鸞谿上車馬逢迎白下來一從丙子初投筆龍文寶劔仍留
室急難幽燕排解多衛道設淫距放筆重思張子我心欽介
潔羞為貧士吟風塵猶更都閑雅王陽豈有作黃金此時頗
得安眠否寂寞秋蟲又吐音

空倉鵲行

有鵲舊止倉之屋飛去三年何處宿今朝鼓翼復來過俛仰
倉中墮淚哭啾啾更作人語言訴說經時變陵谷自昔翱翔
在此鄉野有露積圃有藏遺滯何論寡婦利紅腐都為雀鼠
糧記昨決起西村發水到人家禾盡沒東村山下纔有田瘦
根短穗空搖月于今徘徊下簷瓦頓見廩室如洗者主人朝
饗事未謀公吏催租門又打已無升斗盎中餘那得絲粒階

前灑不如我在江之北遺芻爛肉飽相食烏朋為友噉不盡
狐羣蠹國多封殖舊知此土稱樂郊翻教一啄無從得孰云
空倉鵲苦飢我今始信盤中詩

君不見

君不見蕭曹昔日皆掾吏掾吏起家萬倍利沛令存亡掌握
閒叱咤風雲鄉里恠又不見三卿適長稱門子華胄翩翩富
田里百媚今同小吏佳一言能令乃公喜我聞黃炎之後為
卓隸卓隸淵源更莫儷驕奢勢力故應橫狎侮使君何足計
素封世辟與章縫仰面不堪承唾涕

天台吟送李源嘗

天台之山高萬八千丈周迴盤曲不可上三峰九折盡兒孫
赤城丹霞相莽蕩與公作賦奇麗傳雲猷飛錫神怪往我曾
清夢到石橋雪積瀑濺風蕭蕭覺來意學吟天姥景物恍惚

妙四十一

十

思難招自是君家擅仙骨夙世名山靈異窟片帆便自清谿
挂五兩輕從會稽發擬坐蒼茫琪樹深飽看豔燧桃花沒待
爾神酣興盡憶人閒出門步步識歸來媿媿論余也褰裳濡
足請從此豈有仙靈不可攀

阻風

筆策夜半發江面卷起江濤向客濺客身轉仄臥難安僮奴
閔嘿私相唁主人善鈍不利涉長風但送他船便擁被聞之
一莞然閒看拍浪如靜練猶看澤國有秋成狂瀾不破禾苗
堰

與陳大士除泰

與君相逢白門柳古寺長談晨及酉軒軒連載能幾何腹為
囊囊口為手我齋油素拜敬聽大言小言得未有舉觴未畢
王程促驅車北共晨風逐引領隴阪無與同退繹瑰琦神自

足今余作客亦燕關寒色常分易水滌塵埃厚尺足踈短灰
沙撲面乘馬班方期丙夜同稽古先聞吹角悲鳴語攜我登
臺指白檀傳說匈奴箭如雨

簡章大力

世純

甲戌之秋報恩寺燒燭銜杯論文事授我星辰指掌圖教我
玄潛難識字有時攜我雨花臺莽蕩豁我蓬心開時觀弗語
亦至教一一推拓小夫懷別來幾度窺梁月故人天上金闈
客帝里窮巖隔邈茫叩首不見長安陌聞說才名啟事新彈
冠一日滿風塵嵇康不是從前嬾誰復科頭謝絕人

與楊機部

時選宮僚用機部諸君而遺石齋楊疏爭請斥己用

黃

唐虞何處見淳古一堂交讓及龍虎近時何事最偏側一官

妙四十一

十一

爭攫擠排得即如我皇建元良疑丞左右選端方得揚失黃
誠可傷半明欲暗故難詳清江史官醇儒者夙昔瀉文稱大
雅堅深不問子雲寄綺靡直唾大年野筆擬商周渾噩書心
師夷契拜稽徒為保為傳誠所愜一辭再辭豈其迂未論抗
法他時事即今齒讓教已據我聞君意不止此主德成就經
筵裏平津刻深長孺出荆國執拗子瞻徒不有發憤陳言人
美輒一例真吾取罷已推賢殿上爭賴有君輩二三子嗚呼
賴有君輩二三子

贈朱蔚園

高皇龍種多大雅蜀獻秀才彬彬者臞仙冲舉學淮南銀管
牙籤盡日攤鴻烈不煩賓客手風流照耀江之右王孫幾輩
讀遺書角札單門古崇徒嘉隆之間偶王李貞吉用晦聲名
起華胄迢遙長發祥君先將軍不可當撰句清華陳思敵網

羅淵富中壘望爰及趨庭有令子鸞鶴雖時苞九章平流更與孺生進上第天人策最良官拜輜軒訪謠俗身浮金馬聚縹緗域中方言油素滿西來曆數諮諏詳我見寒士苦不學多君帝胃日勤將我歎古詩行葦關祝君明盛勿勞皇顧俛何須求試表睦族無庸聞樂傷夾輔從來貴同姓豈在區區文士長

贈盧德水

世淮

德水即所居構杜亭所著詩稱杜亭草有杜詩大凡餘論又別集名畫扇齋詩始

杜甫不作千年矣本朝為之者二子北地須眉刻畫開德州津液浮沈裏同是花谿尸祝人相去淺深幾何里有亭榜杜與杜居雨晴冬春及臥起更兼飢飽喜怒情併入龍門奉先紙豈徒含吐沐浴多化我已為唐子美有時開口或手書聲

妙四十一

十一

同點畫無彼此古來讀杜繁有徒須谿字句文山理又有涪翁擬議工王之學華形骸爾德州何遽習疑神我循其本亦有指杜陵愚處比稷高從此滾滾成詩史崑崙源同勢必東請讀書扇齋詩始

米吉土

壽都漫園

作客燕臺過半載塵埃撲面須眉改江南好水水生煙眼前斷盡魂徒在我友漫漫郭北園冲融窈窕漢陂存荻根葭葉相因倚鳧侶鷗羣江一村山笑亭中空翠入丁香樹下虛堂溼乘春棹蘼氣方酣跳波魴鯉人堪拾就中奇九擬華嵩大石小石堅貞同高曾拜丈父呼友耿介特立當寒風是日霹靂城頭發賊已遠去聲聞突正好波光蕩漾聞到耳蒼茫豎毛髮感此銜杯三五人袖手菰蘆煙水窟

望澤

我未登泰山望嶧亦已足浩氣滿青蒼不在形延促平生放
意凌千峰到此神工意倍肅學山不至嶧山顛觀海如泛溝
與瀆捫蘿歷險在何時四十年來七篇讀

恭謁孟廟石像跽侍鄒國太夫人

古柏森森皆直立屋壁空深氣欲溼意象高明廣大開英奇
勃鬱生凜凜坐使詖邪不敢前力扶頑懦升堂入侯王範矣
何足云獨向慈顏孺子泣至今長跽石不移欲學巖巖從此
習

贈鄭休仲

古言今言誰者書鄭公端簡誠通儒釋經每刊舊注誤學禮
多詳朝史疏開國遜國南史筆所聞所見仲尼徒我讀其書
二十年感懷尚論嘉靖閒郊社廟祀咸有述奸讒酷佞胡遺
編今來乃識文孫面塗乙餘文猶可見馬遷錯落建元事韓

妙四十一

三

愈殘闕元和傳吁嗟著書亦不得前有崔浩後李默禱杌難
傳大幹柯屈軼聊存數枝葉生也奉此如拱壁袖中簡記比
無恤與余月旦水同明出口傷秋繩作直君不見當今一世
無史才黜夷獎跂良可哀讀爾祖書浮爾白寶爾名山志勿
回

河閒道中一日驟三蹶感懷題壁

我非曼卿石學士駑駘屢蹶能無碎又非杜甫諸侯客何嘗
快意多蹉跌未能歷塊心徒驚纔欲注坡足便折吁嗟噫心
鄙荷蕢末之難低頭小草入長安西賊箭滿眼忍能袖
手垂漁竿髀肉未消年紀大即有蒲輪故事者天衢何日泰
階平勞勞襍被斜陽下

舟過梁山訪魯孺發劇談一夜率贈以歌

君不見姑孰之郡天門山長江浩浩流其閒東西二石迥相

望煙蘿斬絕誰能攀東峰月出江村暮江草芊緜隱江樹數
家籬落半樵漁中有美人託芳步美人昔在鍾山陽韶音令
旨聞四方手抱瑤琴弄清曲華林日夕羣鴻翔可憐世亂遭
遷次幾度上書不得志江湖常有廟廊憂逢人好談天下事
白門楊柳秋復春客路蹉跎愁殺人一朝迎親挈妻子乘潮
直至烏江濱故里凋殘不可反停舟且息天門阪白沙翠竹
宜垂綸谷口樵風幸未遠吁嗟乎子敬偉略王佐才豈應戴
笠栖江隈天門雖勝苦離索勸君石城還復來無為輒作江
南哀斯言非獨我如此同人某某亦云爾

送方爾止文之淝水幕中

江南春滿平蕪綠江北陰燐猶夜哭聞君此日渡江行結束
殘書財一籠憶君十五二十時氣橫家廓多恢奇清酒三升
發妙論抗言已自足人師即今三十平頭至坐看青雲人自

妙四十一

五

致龍畔猶高甯戚歌門前祇有侯芭費慷慨直走淮西道道
上哀笳亂荒草郊原銅馬正縱橫侍中閫帥徒潦倒憲府牙
門旗鼓新莫將此處著閒身授經應解師貞吉講藝時教墨
盾親平生取說扶風席女樂靡靡皆遠斥滴露研硃有閒時
草檄提刀亦自適我住江南困轉輸蝗螟水旱共追呼祝君
早助昇平略河上翱翔豈壯圖

喜蔚園更為余留遂展九華之期歌以志之

戊寅之冬長安街識公伊始愜余懷博覽篆隸窮斯逸抗湖
渾灑追軒媧有時西曆閒指數亦或漢碣共編排長談欲倦
客子冷飲我內酒玉河鮭已卯初春先後出從此羽翰多違
失星車時載東平賢鴻寶獨枕更生室撫桐彈曲定相思知
音辨誤更何日昨朝坐我皮書樓次第縹緗簡欲周嶽麓禹
碑撮本好明誠金石錄堪抽升菴手吹真墨蹟墨臣近著亦

新收蔚園稱余數相期更作十日佳摩挲討論奇堪哀不須

便凌白雲去淮南且為九師留

贈張二無先生

璋

蘭水鄭公向余說天下清修有幾人山陰毗陵與漳浦劉張我友黃門生劉既退耕黃園土張亦排擯在陪京張雖排擯在陪京清霜寒玉表江城京兆府中無滯事大官鼠雀少逢迎家無斗粟傾千廩起活溝中數萬民祇今治亂未可信但向三君出處問果然白日回青身側席唯求君子進與銓已任甘盤入請室又解陳蕃覺遂召毗陵執紀綱入官峭肅兩相當持斧諸公得表率解綬從知有激揚吁嗟乎錦京既飽仁人菽黃閣應有荒年穀救時今日誰者先廉則生感潔不辱鄭公從此臥席安天欲治平諸君足

送張二無應大中丞命北上

妙四十一

五

列聖由來重儒術理學名臣肩背出文清密勿三公閒文成戡定五等秩識道惟憑大者賢救時應用右為弼即今天子契義軒宋注唐疏細與論順風欲下崆峒拜入學重尊濂洛言未有丹書答北面已將端冕揖朝元如此憂勤神鬼泣一時雒社承明入我公分陔久居南御史大夫須公急試看黃河羽檄多中原狼藉困干戈豈無冠蓋道相望持斧歲月空蹉跎長官執法有賢者諸君努力更如何祝君趣駕勿宿命主聖時艱兩者並上客應知不速來救焚豈俟三揖請看公坐論燮理成乃知無欲王佐正又知大行不加吾所性

投鄭大司寇

城也欲作崇禎聖德詩宣鼓韓碑難勒辭典學獨推濂洛理尊師重見拜稽時內操既撤察子斥通租盡放黨禁弛湯網闕疏舜門闢周公迎復甘盤來盛事簡記不勝載佳話傳誦

欲忘疲即如先生特召起御墨親題溼黃紙人情想望固同
然睿斷虛明遂如此三孤仍領秩階崇六計首襄廉法始憶
昔先生初被眷節甫餘生天日見平反欲仆黨人碑出入潛
解同文難布被平津正刻深墨縷樞密方搖扇路人徒指一
羣癡輦上漸多攜手歎縱有浮雲能蔽空旋看白日正方中
求舊路公重見用維新溫國再趨公老臣曳履莫辭讓明君
側席方冲融傾朝引領待坐論我擬聖主賢臣頌一通

六語皆聖
明新政

莫相疑行

君不見孤竹逃大國逆旅皮冠人謂竊又不見六月翁披裘
道旁遺金或欲投海燕乘春鷹隼猜門人泔魚冒子哀丈夫
胸懷如白日危酒未盡心肝悉豈將粉澤較妍媸兒女細碎
莫相疑

妙四十一

去矣行

君不見簷上雀爭粒啾啾羣起聒又不見幕外蠅伺隙營營
亂作聲就中百舌尤機巧誕諺講張不得了使我清夢無能
成長此啞啞晨夜攪我有虛室堪容席去矣辭君萬事畢

上元曲

紀異也吾池放鐙有常諸戲不乏而今年特早且甚
盛羣競如狂余異焉

柏板高蓋纔傾綠家家蠹作元宵燭七人八穀期尚遙九陌
三衢歡已足炫服爭為鄭襄妝畫眉擬轉夷光矚高鼻黃須
日逐雄金目文皮猛獸撲將軍列戟白如霜丞相幞頭金以
蓋帝釋人天故事多貝玉綺紈裝飾足別有假脚十尋長錦
繡香袖空中颺倦時聊倚高簷坐險處都無寸杖將子夜嬉
游猶未已平明大隊相譁張銀花火樹層層簇珠簾粉面朝

六

歇臚行

燕山神臯帝所都萬靈百辟羣踰趨玉食年年須銓結轉漕
 歲歲倚東吳衛霍金張列鼎食炊飛宿衛籍名鋪遙遙一水
 浮淮泗望望千艘待轉輸雲夢既又壤沃美彭蠡瀦後稻肥
 腴連檣鍾石不計數銜尾進發恐遲濡歇臚豈載習流卒上
 供寧為芟秣需組練忽教為戰艦豆區喪失任胡盧蕩舟妾
 自臨流喜待哺誰為虧額吁昔時雀鼠猶堪問今日熊羆勿
 敢呼健兒翱翔飽欲死薊門飢困勢方蘇將軍既是勤王者
 王家正急今年租

答光生

廷瑞

我生好友桐山多積玉玄圃皆嵯峨晚交輯侯更年少大器
 渾灝難名它著紙耀豔深華句開口穿雲裂石哦有時沈毅
 言世務指顧神州喚奈何哀我江南桔槔火貽我越石登碑

妙四十一

六

歌我衣短後執及立讀之歎息涕滂沱相看時事已如此處
 仲懷光媚毛起長江量人蒿不如畫圖誰告明光裏

嶧桐詩集卷第四

澤桐詩集卷第五

二妙集四十二

貴池劉城伯宗著

七言古

忠孝詩為王孫潤生識明府賦

漢有德向宋愚鼎節精忠竟齊等丈夫同室急纓冠何況
 天家肺腑迴君侯高帝之子孫隆準修髯鴻寶存夜觀象緯
 愁熒惑曾愛鄆筒入汶源十年豺虎中原滿至尊勤瘁羣工
 懶慷慨悲歌走帝都武烈繼一朝白日沈地黑九
 土無聲哭不得耶陽金多競進身美新草就真歌德此時一
 死已如歸更念宗枋始願違高廟有靈終建武北堂護在欲
 何依勢面割須行遜客青盲取瘡追在昔葵心惟有幾陵知
 魚服何從十日索只今江左果重興淮海舟中痛不勝涕零
 霜雪燕山墮策定雲龍代邸升宋昌猶卻封侯賞雙鳧聊作

妙四十二

魏

一

華陽長但願鍾山氣鬱蔥不辭外吏多執掌我聞君侯念母
 時室中有婦尸能持滄瀆既怡晨夕色割肌又作薄斧醫噫
 吁嗟多少須糜膝下見白髮呻吟子不知生成鞠育弃如遺
 掉臂天王亦若斯君侯不負宗臣義彤管應傳孝婦奇北望
 闕廷淚如霰為君寫作忠孝詩

相逢行贈程際甫世會

二月送子清谿上春水方生勢可往冬日相逢長千里秦淮
 一綫龜坼底中閒滄海變桑田薊門宮闕真可憐銅駝何處
 埋荆棘十二園陵烽復煙吾子今對彤廷策上第同升戴德
 籍說禮專家既有名談易成書尤不易廷對戴敬夫第一附
前次之戴習禮際甫
 易吁嗟乎江左臨安往事多茂宏伯紀竟如何大梁伊雒君
 鄉里夢寐能無時一過應向采恩寫所思禱祈努力孝陵知
 當春且莫諫折柳家有衛尉兄可師

斷頭歌

斷頭先生吾好友江南次尾知名久昔日旗亭少伯同今朝
 大澤吳廣首舉世人將奮椎一擊書生手憶昨龍種
 安眾侯草創滅裂用吾州天下莫先劉氏恥肆然遂帝魯連
 羞空拳直把白刃冒枵腹爭持縞素號及掌蘭谿菊水收拭
 目清漳平海到亦知王邑巖尤鋒正惡螳臂鴻毛不敢回顧
 卻吁嗟事幾一跌恨彌天東手山岡徒聞大笑噱抗懷正氣
 能如此文人名士豈徒爾延頸怒皆事不成生面猶馳十五
 里嗚乎斷頭何處起悲風元年一死忠千秋人指石灰

冲石次冲次
 尾死義處

峽裏大風歌

大風怒號將倒牆欲雪不雪天鵝黃半夜濤聲湧枕上狻猊
 狄叫如羣羊楓林葉脫徒骨立舞勢尚作千尋長南郭子綦

妙四十二

二

樽兩耳杜甫茅屋總飛揚江南深山猶至此幽燕沙起應茫
 茫登樓排窗我眺聽此風不雄多怨傷有客來傳新安事中
 丞鐘鼓失旬鐘吁嗟無計一拊牀裂皆直髮身為僵
 簡書正得大統曆邸鈔頻見

春雨歎

九十日春在何處總置盲風妒雨中夜夜翻盆驚簷溜朝朝
 泥滑唬牆東大麥垂垂小麥立陽光不照難堅實菜花開好
 爛成堆時聞田父長太息

風鬟霧鬢怨應深驅使羣羊苦作靈漲隄傷農豈暇惜錢塘
 怒濤是知音亦有葵心終戀日杲杲不出雨中泣扶雲放霽
 定何時皇天回轡豈無力

我向春山學藝穀豈知連雨將傾屋行藥曾無寸步乾沒蹀
 時埋泥百斛海嶠飛龍已在天乘時行必指幽燕愁霖不歇

組練溼甲光何日照晴川

寄題韡韡齋文原韻

九華劉子久築讀書舍曰松竹居曰韡韡齋曰明發堂有終焉之志其族孫德先來索題為賦此

千載茯苓萬束玉本自亭亭在巖谷俗子情深簪紱間北山移文比公牘誰使天性化仇讐受爵觴酒與豆肉我聞華西好兄弟不殊大被歌續竹陽城篤行在天倫豈必垂紳享夏屋哦松看竹儼胥庭酌壘醅醑速伯叔宛鴻棠棣摯懷思莫使門人廢誦讀此處桃源無魏晉它人輦上多慚恧老我擬欲習家風十日高齋問尊宿

德先屢顧余山中用韻贈之

遐心能使音金玉況余戢羽真空谷多君車騎問陳人側理屢索塗鴉牘作詩欲學飯顆瘦論書不貴玉環肉偶然手口

妙四十二

三

總師心頗似東坡無節竹君家詩學近崢嶸琅玕瓊玖方盈屋碎璣視我何足云大小兒中次季叔名臣有後自古然諫草留詒子孫讀雅懷逸韻似君稀對之形穢凡夫恧遲余乘興到華西相拉芙蓉頂上宿

德先與我山右諸志再用韻贈之

鄧林之材玄圃玉大澤龍蛇蘭在谷縹緗應向世家求飽死蠹魚塵滿牘縱橫鄴架亂牙籤十日飢入太牢肉我亦書淫比孝標燎麻藝髮還折竹賣薪買紙廿年來壘窗塞座頗連屋君家奕葉網羅多柱史先生視吾叔石室龍門秘簡收漳沱媯汭靈文讀此書此地今難言異域相看舉世恧借鈔未有束脩羊一瓶仍就君家宿

禽言

割麥插禾余歲歲聽之今避居深山無日不從枕上

入耳也感而有賦因取昔人所擬皆作之世無鳥官
或不乏公冶長杜甫拜杜鵑應為杜鵑可與語耳

割麥插禾

割麥插禾莫更延俄爾不見楚江二熟三熟地今只青燐白
骨蓬蒿多兵需糗精急馬愛秣莢馱符牒來如火里正又重
科爾不能短衣帶劍豪豬犍祝爾驅犢插秧歌割麥插禾

行不得也哥

行不得也哥前長箭後銳戈爾頭未禿髮猶髻路滿繒繳途
譏訶無諸之域修阻多雖有兩翼不得過可奈何行不得也

哥

脫布袴

脫布袴君莫顧貴無烏紗賤無憤手無長袖足無屨有袴何
欣無袴何惡吳蠶不成絲蜀錦來無路葛莫問雷網莫浴木

妙四十二

四

棉花價如寶璽珍重一尺布脫布袴

春去了

春去了如何好紅紫付東風一行何處討聞雞鳴宜起早髀
肉生空坐老秋霜冬雪好打熬轉瞬春光來樹杪莫待春來
又草草春去了

泥滑滑

泥滑滑二三月來雨霖殺晝昏不見天足重身難拔淖中有
掀人可生大澤一迷重瞳瞎天步艱難路坎軻英雄蹉跌十
常八泥滑滑

提葫蘆

提葫蘆何處沽人家朝餐無粒米豈有餘糗酒家胡十年舉
世吸煙釀近日相逢醉酪酥有酒真為瑞不醉亦何愚營糟
邱提葫蘆

得過且過

得過且過算來餘幾箇昔日怡堂昏坐臥風雨忽來禍事大
飛彈流矢況復多得一飲酌宜相賀請看鳩巢為誰作得過
且過

力作力作

力作力作百爾君子有為必恪田父不力一家飢君子不力
大業落手皴足折黍稌多櫛風沐雨麒麟閣作不力如勿作
力作力作

游杉山水竹谿放歌

曹生誇我水竹谿我今杖杖試攀躋前人度隴沒復出憐余
拙步頗提攜心貪奇勝忘寒劣到門亦與諸公齊雙扉面勢
便得地平遠空青來簇擠妙氣微茫鍼度髮雄觀奮躍象搏
猊室旁斜去高臺出一松端好如植圭茯苓雖未成仙藥僅

妙四十二

五

蓋將橫蔭別溪錯置拳石堪倚望下臨遠景似萋迷金碧精
工思訓蹟灰阜黯淡元章題因思日昨蒼潭峽亦賴邵子穿
蒿藜諸僧不說徑欲塞我到叫絕如駭犀劍削琅玕千尺壁
泉倒黃河萬斛漸潭深自是龍為窟樹拗時便颺作梯枕流
漱石去不得至今冰骨把金篋佳處不逢吾輩識直令鷺鷥
等山雞此中好刷黃精食勿更生心逐馬蹠數子逢人如問
姓被衣齧缺與王倪

別杉山蒙公

屈指山中十日住臥我百尺高涼處嘗翻縹錦貝多書每穿
窈窕無人路受風坐月寺前門數山聽水崖邊樹觀化畦蔬
騰穉閒澄懷竹鳴松臺去鐘聲共飯鼓聲茶眉公記壁懸慈公
句有時序說五鐙宗勸余著意三乘悟分贈孤筇作證明重
屬冬初與秋暮閣上重鋪寒夜單山中或見天花兩君不見

贊公土室已公齋子美詩傳千載慕

歲行盡矣廚饌蕭然適舒生廷詔汪生之泚遣信齋糲

蝦鹽編豚蹠巨鯉蔬燭諸物至戲為長歌

閔叔豬肝庾郎韭口嗟腹怨稱窮醜自我流離值歲饑盤空
餅馨曾何有陝川種麻不種菜芥蔥希見如瓊玖蘿蔔遠自

樵山來近者大河荷以篋大河村名去峽川三十里十日五日一卦豬價

昂秤縮難常有客至千錢市不來何況無錢貫徒手長溪有

水中中漁小白寸餘時麗留居入寶此上賓筵得錢肯留誰

溪友以茲晚食是良方成糜脫粟徒充口先生更莫賦老饕

食經饌法虛傳授置身古處成三人左揖黔婁范丹右窮冬

日吁廚未煙何處提攜來大甑藉糟汁滓味能香搗頭縮項

薰蒸久更有斃肩堪大載巨鯉三尺橫如斗便燒絳蠟待熬

烹腹中已覺車輪走舒生汪生意氣入好事年年嘗載酒邇

來蹉跌已坎軻尚能輟箸為吾壽歲晏荒寥篋作豐諸君視

吾事濟不春來籃輿將仗誰欲看村村花與柳

後孤兒行為麻乾齡作

有客頽然一丈夫崢嶸白哲美如瓠問年二十頗有餘身上

綈袍下舊襦對人不敢道姓名我知此兒孤復孤孤兒有父

諸生傑文山之髮常山舌赤手將扶炎鼎顛長繩欲繫陽烏

滅事之不濟遭蹉跌諸陵風雨中咽通濟門前歌正豪敬

亭山下巢已折孤兒此時孺子號血淚徒枯影亦子鴉鴉畫

嘯豺夜噪罝網張前戈後列孤兒有心不敢死拔身能自叢

矛裏越峰聞海路迢遙繭足蒙頭幾臥起麻衣雞骨入行朝

削斂龍文申父理褻綸一再下天興義烈紛紜滿人耳此時

哀恐未曾平轉瞬無諸業又傾厓山欲破祥興殿宛水仍藏
廣柳軀石根本杪頻登頓里門望見猊臬迎迫亡伍伯朝持

懽督賦胥徒夜撼覺太僕當年容駟第斤賣屠沽列酒鑄此
身躑躅何處去孝陵草滿都無樹連昌宮中駱駝游有人屍
視髮猶怒碧翁如醉如夢閒孤兒吞聲淚如雨不為兒嫂難
與住未亡人在苦復苦翹首朱家於季布

桃波歌

土人率稱桃坡按太白詩諸本皆作波思之良是蓋
茲地平衍無他委折實賴一水襟帶之遂多生色故
山僧白雲之句總入秋浦歌內從水無疑余復作歌
申昔賢之理

邱陵起伏稱坡陀茲地寬夷平不頗直望長達盡氣勢四顧
山色無巖阿賴斯一水相濛蕩潤枯散滯足婆娑春流漸起
平沙滿靜澄如練風如羅激石搏崖聞佩玉有時漲急比投
梭采蘅牽藻上短筏垂綸濯足玩漩渦當時定有桃千樹人

妙四十二

七

家夾岸植根科和露疑從天上種蒸霞似向武陵過亦或水
光香且豔倒影羣芳紅溼和微瀾動處多嬌膩絕似桃花著
面配玄都景陽何足道一片錦浪奈延俄隔谿方識語聲小
乘流難返別僧舸白雲在天亦在寺余且鼓楫叩蛟鼉以斯
平野增佳勝斤鹵如長千嗟我先賢好語定不妄云坡非是
宜從波我曾三至低徊久遂作長歌訂俗譎

殷將軍墓歌

南唐殷文圭墓于南唐宰相殷崇義入宋易名

誰何古墓橫荒野農人語我殷家者披榛尚見土如坊尋題
未有碑堪打千年老表已無存幾尺新松尚盈把埋者何人
此一邱將軍鼎貴左千牛早年及第紅綾餅半生遇主紫貂
裘珠履淮南稱上客蟬冠西府比通侯階前廝養開金穴座
上賓朋竅玉羞繁華正盛秋風早晞露旋歸原上草方相芻
靈塞路多輓郎送客彌山縞器擬東園人不知冢象祈連世

驚倒兆域初開萬杵相輻輳既下千峰抱歲時上冢者阿誰
又是平章僕射兒來日縣官身負弩祭餘粉社饒遺棄青天
松柏能教蔽白日牛羊詎敢窺興衰忽復成今古墓田疇去
幾更主牧兒雖未逐長髯樵夫漸欲持短斧亦有人家墨紙
錢力耕每爲差徭苦盎中量粟笏收魚買酒來澆墳上土

斷碑歌

殷家片石在泥滓利殘財賸尺有咫洗滌推移拂拭看色如
青銅薄如紙脆處膚撓無寸完蝕久文埋餘半字憶昔將軍
既葬時墓門始閉議豐碑穹窿定斷南山骨瑩潤須求碧玉
姿馱曳應回萬牛首琢磨已役千人治靈龜高座盤踞走蚪
蚪古篆寫鴻辭上言勛業多誇諛下紀官閥無參差王家告
身旣載錄撰人姓氏亦貽垂作者高官大手筆鐫者巧匠名
工師當時赫奕表神道幾世嗟峨指路道後來雲耳漸凋落
牧童畫墁牛羈角風雨先教白屋摧烏鳶直向丹書啄倒傍
山隈已歷年散入鄰牆人不覺棄餘徒使子孫憎寒不可衣
飢不嚼誰家華表又干雲祭碣雄文四遠聞城南好田直自
請冢中枯骨何足云螺書扁刻日卓午斷碑請看故將軍

大樓山歌

大樓之著亦始太白詩累及之至秋浦歌云行上東
大樓蓋秋浦在邑西大樓在邑東也纂舊志者不學
誤以東大樓爲大樓遂指東城樓當之可發一笑
今曹氏名勝志亦承其譌矣余游山歸既有記復歌

之

大樓之名必有以圖經志牒都無紀何人誤讀太白詩東指
麗譙說遺趾我聞神仙好樓居十二之樓黃帝起漢王遂作
通天臺蜚廉桂觀排空峙并榦高騫五十丈欲寫蓬萊建章

裏方士荒唐固可嗤
文人妄聽聊憑耳
君不見茲山拔地起
千尋兩峰去天不盈咫
山下經過面面殊
峰頭直望層層齒
城郭炊煙到眼多
江流帆影眉閒駛
疑將插漢敞交疏
何異干霄初結綺
平通雲鳥入
罟恩參差巖洞成
階阨因逢好事
命佳名大樓標目
差堪擬孫卿
如受申公書
蔡經或聽方
使定可茲山
信宿留不比漢宮
彷彿似愛說
大樓山者誰正
是謫仙人姓李

古仙洞歌

世盡妄爾豈有仙
此語名通亦未然
琅函姓字幾百輩
不止王喬與偓佺
我知真人栖遯遠
豈肯黃屋相流連
祖龍茂陵徒想望
阿房五柞枉纏綿
有仙餐芝復辟穀
丹鑪應置窮崖麓
頑山拙石未堪留
知在玲瓏窈窕谷
蕭然此洞隱荒村
中空四壁如夏屋
蜿蜒門徑已嬋娟
狡獪形容尤凜肅
斷削疑

妙四十二

九

經鬼斧成靈竒
定有神人宿此閒
白石可煮烹
此閒羣羊可畜牧
對弈能令樵者觀
縱博何須橋內蹴
懸崖儘足繫青牛
側石尤堪放白鹿
餘杭老姥油囊酒
何妨共坐飲百斛
我為此語非誕迂
要見古洞幽且都
齊山華蓋及左史
譎詭恢奇皆隩區
彼以負郭成名
早上真弃名如弃
汚固知此洞仙來居

大樓山洞相望圖歌為山賓作

大樓樓閣聳千丈
仙洞洞房深曲象
一水中分幾里遙
形殊意闊無來往
誰其寫作相望圖
此如招手彼如呼
又似目成流睇久
神魂欲接意為娛
牽牛織女往河漢
石公石母江湖岸
翹首跂足其千年
未若此圖望中見
吳生本是願長康
胸中邱壑意思長
自云游覽歸來後
幾度成圖筆墨狂
橫見側出真可喜
以鑑取影亦如此
時似是神恆似形
意之所在而

已矣吳生自署今吳生欲爭乃祖道玄名作我便面十數幅
意匠到此尤縱橫還君懷袖不忍攬為君長訂臥游盟他日
大樓仙洞過三人相望共生平

游萬羅山歌

我來茲山讀舊碑亦云萬羅之名義莫知或言遠近諸峰繞
有似兒孫拱立羅階舞天公化物不一狀安得處處五岳與
須彌一重一掩小結構聊當拳石置盆池入門人從山罅度
疊石鬼或為累碁孤松罩日成偃蓋亦有虬枝倒兔絲清谿
幾曲如碧色錦字千年猶畫姿空王玄帝同窟宅丹經梵夾
總塵蠶樵人偷摘楊梅果村婦蠶供香燭資別有積楹長菴
菜低回畏壘我生悲當年擬近東阿譽今日直堪召伯思偶
乘野興逃初夏便集心知話亂時萬感紛紜來耳目幾宵雲
物見推移覽罷鄭公題壁句長吟李白釣臺詩

皆山中所有

妙四十二

十

曹烈女歌

君不見漢代有女名曹娥至孝沈江擬汨羅又不見宋時小
娥亦曹氏痛親拒虎甘趨死古今閨烈頗不少指數曹家尤
皦皦貴池女兒靜娥名生小寒冰刻削成從來不識門前路
長大誰聞壺外聲一朝蘇峻來江上戈鋌雨驟彌林莽望屋
窺惟白挺橫搜山難避黃巾網十五爺孃掌上珍須臾血肉
道旁塵問渠何遽刀砧委罵賊能成慷慨仁當其粹遇無回
曲詆以狗彘為翁哭延頸惟全白髮親抗聲矢不紅顏辱鄰
家老嫗見生哀叩頭勸娥何苦哉絮語徒多明哲說裂斷肯
亂潔清懷叱之使去毋辭費惟告高堂入夢來我聞此事長
太息癸未之役我能憶巨萬豺狼溢郭郭壯士低眉元戎匿
悉索做賦不敢辭捆載攜持惟視力誰其一語逆顏行靜娥
呵斥如弦直弱質錚錚大義張強死燧燧微名植娥死可敬

不須悲韓康阿婦痛何居誰其采風愍世者我為黃絹外孫碑

欲雪行送山賓還高田並示長魯兄弟

欲雪不雪天昏黃欲行難行人旁皇入門復出叩首視密雲垂下露衣裳問君底事含愁去歲晏高堂仍舊絮負米身歸慰倚閭殺雞留進非客箸又念疇昔紫奪兄慷慨徒將身命傾正氣故曾還列宿遺孤猶復苦羣狎蘆焚田沒不足道里正糧長難支撐娟娟弱息本尺玉嫋嫋風前一短檠歸去豈云能較理庶幾抱手共憐憐以此芒屨敢愛溼躡冰跛徇衝寒急我欲一語斯須立歸諭孤兒無孺泣煨燼遺書宜掇拾敬共讀之有血汁君其行矣不再揖知到家時雪叢集

雪中送兒充役歌

歲戊子十二月十六日縣攝余充蘆賦長鑿冒雪出

妙四十二

七

代役謳此送之長歌當泣此之謂矣亦云蘆中之詩

歲云暮矣雪花飄雪高堙谷失谿橋正擬賡詩選鹽韻亦欲烹茶笑酒羔有童赤腳連泥至面如土色魂如悸告我官司禍事來氣結移時吐一字打門卑隸勢羸雄花闌大票筆硃紅上寫阿翁名與姓下綴郎君兩位同江中有洲洲有蘆蘆應有課課應輸受輸有長解有戶往役不得少躊躕我聞此語垂涕淚蘆中舊事我能記萬曆初元賦稅寬官清吏平輸納易通邑蘆租劣二千官徵官解若郵然徵雖有羨未云甚解雖有費官亦便菽苗已飽前年釁虞衡除下今年案萬井騰煙復買金贏利歸公何足算老胥隊裏出窮奇生憎省事我何為僉點行時比屋覆堂求競作柄魁持纜報東家一立威朱提進後姓名非又捉西家如霹靂孔方兄解垓心圍甲乙紛紜猶未定老胥屋潤騎肥乘昨者三旬九食人今日千

金買妾媵此事怨憤益已久邇聞諸生一開口官徵已復舊
章行云何更出移天乎況自干戈滿洲渚荻蘆如埽三年許
量洲空使賦增科兵掘蘆根不敢語徒將逝水擲金錢額耗
相平已倍前賣兒不了公家事仍教身命共牽纏爾胥本自
梟獍徒堂上坐者胡為乎餌香能令乃公喜利昏豈止心為
糊士族清流更不問妖蛟翔舞龍在糞兩手持洲恭贈人搖
頭無一人相近含淚衝風送兒去雪深沒踝腰埋如短日長
途膚裂皴蘆花那得裝為絮此去低頭最可憐質錢媚竈恐
無緣興懷羨殺袁安福忍飢僵臥是神仙

篆刻歌贈韓將軍璽

首尾戲用杜體

將軍何王之子孫多年建節立和門景鐘兜鼎不足道嶧碑
石鼓時相捫止戈每罷龍蛇陣煮字嘗翻蟲鳥文首山之銅
鵝鵠膏大鑄千將小鵠刀大者刮寇如刈草小者切玉同吹

妙四十二

三

毫籀史斯相既唯諾運斤成風真不勞昨朝忽念窮巖客小
印雙鐫來妙石腐儒姓名費雕鏤拙癖琴書篆刻畫篆法摹
秦既逼真鼎文仿古尤精魄藏之笥篋累摩挲鴻蒙古氣噴
人多看時頗見蚪螭走用處猶餘蒼翠波將軍此技益疑神
奏刀未到氣嶙峋時棘民稀愁枉殺大阿羅匣是仁人不如
小試剗犀手金石娛情竹素親他日自有斗印懸其身

今蕩子從軍行

蕩子從軍昔人賦之多用古義余記見聞述時事焉
爾故曰今

高旗大纛偏招搖繁弱忘歸擊臂腰踞歌連袂羣成醉豎目
橫刀氣自驕問君揚揚何所往自言身屬千夫長抽出龍泉
已血腥跨去烏騅遂封賞傍人指語此博徒昔年大姓舊監
奴竊貨羽化曾難問收租鼠耗復無餘攘雞烹狗從白晝擲

雉呼梟到夜徂徂白晝更遨游爛醉壚頭不計籌絃索每
邀朝越女酒錢但貰挾吳鉤扞網時時受官捕抵罪朝朝復
亡去鬼薪白粲幾爰書刻骨鉗肌亦已數蕩子從來舊有名
狹斜年少結橫行無計借軀償夙負時來兵起募從征從征
況不出榆關江漢滔滔內地間未有朔風衝瀚海不愁嚴雪
度陰山振臂歡呼入行伍棄籍和門脫罪罟一朝便著羽林
兒鼻息衝天誰故主何須劔術從猿學不用彎弧射雕落捉
生伏路亦無能椎牛醜酒差堪樂喜聞主將左賢王骨都當
戶更豪強車騎早踰鬱孤草樓船更渡洞庭霜尉佗遺禁猶
山積章華美人如堵牆此去但跨紫駟馬短刀聊效關東語
摸金校尉枝真長發邱郎將誰敢迂應擁如花肉作屏幾斛
明珠看似土牛衣往事更休論虎頭奇表人堪親日日閨中
少婦嗁空房難守累牽衣況復爺孀白髮在聽說長征涕便
垂生憎骨肉齊聲哭揮手提戈去不辭蕩子從軍誠若此書
生投筆豈如斯

妙四十二

三

大功坊行

有客近自金陵至咨嗟語我大功坊千雲棹楔已斧斷盤螭
礎石委道旁坊裏朱門無舊主上公賜第毀垣牆紛紛臺笠
誰家子呵入廳事寢其牀故老經過每飲泣指說先朝事頗
詳伊昔中山異姓王濠梁同起佐高皇親軍首授心齊託乘
鉞先開荆棘場渡江遂定艷鎬業北伐全收幽朔方中間縛
吳並珍漢一一虎矯與鷹揚沛上結交蕭相國橋邊恭謹張
子房以此差功皆獨最大國名封莫與京生曾虛位雞籠廟
薨許陪陵鍾阜陽當年縣官來治第水衡給費孰稱量金鋪
銀榜沈檀壁畫棟綺疏白玉堂別有潭潭深寢室更多曲曲
號迴廊續節雕梁難具說大抵珠宮玳瑁梁倅父置技鳩工

日御輦親臨作寵光蟬冠累葉瑤階步鴻藻天章寶閣藏堂
前鐘鼎尋常宴廁上羅紈脫換香箋錦煎蘭迷曉夜火珠金
彈抵蛻蝦麗虎三千充列校駕鴛七十鎖偏廂銜參不道千
官擁放直猶看萬馬驪寒乞武安何足數豪華郭令未為強
自是功高賞遂厚祇緣功大澤應長六代風煙歸戟里兩都
帶礪況相望繁華一旦成銷歇宸居舊內已淒涼大風前日
同乘運離黍今茲亦共傷痛有袞衣殉社稷恨無貂珥抉皮
腸繫頸以組咸北去徒餘夏屋付積唐行人不見大功字唬
烏羣起噪垂楊武靈靈爽且若此一時勛舊盡披猖常府之
街巢燕子沐府之門隔要荒我今且說大功坊

虞美人草歌

纖妍弱質當階舞彷彿蛾眉猶可覩一片哀魂怨魄多訴向
春風與秋雨有情未謝美人名無香不受游蜂取笑彼天桃

妙四十二

十四

豔李儔紛紛蛟蜃來無主我試歌君再舞世世楚將莫負楚
如何義帝崩江許重瞳早已失晴光不到陰陵迷處所八千
子弟散如煙一姬一馬尚流連烏騶竟逐亭長去紅粉捐生
故主前躊躇此際艤舟事前日江中心可憐布乎布乎抑何
如虞兮虞兮羽不如拔山切莫拔靡蕪

金銅仙人辭漢歌

辭者有不辭者也觀其泣可知矣長吉以下作者好
沿鬼語不達仙義聊為正之

瓊芝瑤草不死藥爛煮黃金尚方作造天吸露已通靈仙人
活立漢皇庭忘情猶記茂陵烏有性靈同塘上蒲新家威斗
小兒嬉近來銅雀如醢雞萬人沒泗無周鼎萬卒移盤吾豈
肯兩丸為目淚為河數百里閒怒聲多當塗之高高有幾不
及仙人一踵趾斬蛇之劍五金精銅仙從此合延津

煙酒行

儀狄無靈杜康死酒經焚盡秦阮裏真珠不用糟牀滴從事
 何煩麴部理摘來草葉汁醇釀煨燼成時糟粕空一尺紙裏
 三寸筒火焯財發煙撩風口中出煙酒在胸微醺何啻醉千
 鍾其笑蒲萄百不如一縷氣裏勝屠蘇坐酌生憎勞把盞行
 沽厭殺喚提壺興到每多易室飲小戶亦是高陽徒此酒如
 何不可勸一滴未吞煙亂全若使如澗牛飲同彌空無復存
 人面吁嗟乎麻姑九醞徒耳聽中山千日太醅酌柳藤清醪
 可一嚼何用煙蒸肺腑青巾地煙蒸青肺腑眾人皆醉誰為
 醒

徽宗畫鷹歌

素翎鉤吻眼愁胡鐵腳雙閣猛腦軀意思慄鷲條墜徐欲颺
 且立勢可呼誰其圖者道君無學士臣京贊且書戴嵩之牛

妙四十二

五

韓幹馬挂滿村家酒舍堵唐寫蘭亭五千本豈有山陰但定
 武意殊神王毛可憐便是當年良嶽主我思杜甫觀鷹贈楊
 監猶且惆悵追憶含元殿三郎閣道雖郎當翠華返正胡血
 濺五國城寒滿朔風孟婆終不行方便秋風自高鷹不揚飢
 則依人韝上旋岳家好爪不容飛西湖一曲攢鷹燕淚盡冰
 天寄帛書此時應不畫鷹獨畫雁

征人新怨曲

家住沿江近山麓歲歲腰鎌刈麥菽老婦提筐餼旦飢少子
 持竿收暮犢連舍惟聽社鼓鳴舉家不受寒門屬誰何
 忽成羣挾扉倒篋語難分雞豚屠割餅疊盡乃驅家長出從
 軍千呼萬哭那肯放繩牽刃脅去如雲須臾已在艤艫底舉
 頭同輩多如此敘說都遭束縛來制淚交詢鄉與里向來戶
 長驅人者爛醉亦言心裏事我無燕領望封侯絕少龍阿欲

報讐祇爲閒身聊繫籍意圖充口得乾餼幕府不聞時給饌
將軍何日一推牛昨年已遣江州戍及瓜又渡樅陽去在近
猶得問爺孃不戰只堪工掠擄如今五嶺路迢迢三湘水闊
急於刀溪蠻蠶戶鋒銛利身命難教擲一毛我有紅顏年少
婦臨歧窗前曾密語不須遠夢到金微切莫寒衣擣霜杵此
去一程兩程間五日六日看刀環兔脫自能生羽翰鵲聲應
噪橐砧還前部已聞逃隊主左營今復牘空旂同伴漸希我
亦逝人生離別勿多歎田丁聞言私自喜渠且云然我亦爾
跳身半夜拆鈴中乞食尋途蘆菽裏歸來妻子怨歡兼亦是
從征人未死顧廩雖無粒米藏扶犁仍向南山耔

鮑烈婦歌

寒風獵獵自天來冬青一樹忽摧積樹摧根魄常不死請君
聽我歌所以鮑郎比自少君初雅志同操挽鹿車徐淑書辭

妙四十二

去

多麗藻高柔玩愛着閒居一朝忽覺封侯好射策論兵甬東
道往來從此比飛蓬別離幾度愁芳草人生朝露可奈何旅
館游魂客怨多杳杳虎頭成夢婕亭亭鳳侶罷描蛾此身願
向蟻先驅此心且辦耶後圖骨肉難忘贏博遠烝嘗莫似若
教無薄田黍盛堪供祭木主靈栖鬼不屬絲粟分明不負人
苾芬薦獻斯延世暫將冰玉雪霜人賒死勤劬幾淡旬瘡手
咄嗟諸事畢振襟發憤志纔伸但得相從地下蚤迢遙廣柳
馮兄嫂練光三尺照銀河從今不乞鍼頭巧豈無姊似苦相
留亦有雙鬟伺不休囊砧已去人閒世義不生存看女牛前
日從容今慷慨未死時時心志在丈夫嬰曰苦難兼少婦恬
行如警效黃山嶺嶂福喧傳彤管紛紜應紀載昨朝又自說
新聞丁令歸來滿著文附箕女士原仙籍謫世夫君亦上真
采鸞寫韻三生夢蕭史乘雲萬劫身世人少見多所怪煉金

祀寵求仙界闔苑應高節孝班神霄豈納愚頑拜不須更說
香案吏婦死其夫倫紀事有如執手大羅天寶釧無慚繫在
臂

妙四十二

七

嶧桐詩集卷第五

